

東

華

續

錄

東華續錄

同治三十三

臣王先謙敬編

臣張式恭恭校

夏四月辛未朔日食○諭議政王軍機大臣等富明阿奏水師連獲勝仗並揚防官軍擊退丹陽援賊踏平賊壘一摺南岸逆匪復在群家橋等處奔江口經吳全美等督帶水師擊退另股逆匪復在群家橋等處焚掠又屢於江口索筏搶渡均經各防水師隨時擊敗賊不得逞仍著富明阿督飭吳全美等各防師船晝夜梭巡毋稍疏懈丹陽援賊經各軍四面兜剿斬馘無算金壇縣城亦被鮑超攻拔丹陽賊勢更蹙著卽嚴飭詹啟綸會合鎮軍聯絡鮑超之師相機進拔丹陽以期迅速叢事該將軍傷疾已愈步履尚艱惟當選派得力將弁奮勉圖功卽爲不負委任毋庸親身督勦以昭慎重將此由

六百里諭令知之○王申曾國藩奏句容踞逆僞守王方海惊因  
部黨攜貳又聞鮑超大軍將至卽在金壇寶堰等處糾結僞翰王  
項大英僞列王方城悰兩大股同守句容三月初五日鮑超親督  
各營冒雨疾馳行過溧水攻破三岔賊卡初六日軍次句容所屬  
之塔岡距城止十里正在修築營寨城中突出三四萬眾密布山  
岡意將乘我立營未定悉銳猛撲鮑超卽令周有勝等直前迎敵  
宋國永等左右環攻戰至數時賊不少卻黃海清等各率騎隊分  
左右兩路越過田隴直抵賊後婁雲慶更以步隊佐之賊見歸路  
將斷大譁欲遁我軍且戰且進直至城下殲賊數千附壘之賊一  
鬪散走鮑超料城賊膽落飭令各營徹夜環攻漏至四下忽見城  
東角火光燭天知內變已作急引軍東向而賊已啟南門傾巢衝  
出諸將士乘勝截剿斬馘尤多並內應之翟本邦等七人將僞翰

王項大英僞列王方城悰縛獻我軍遂於初七日黎明入城立將  
句容克復派員檻送二酋前來安慶訊明正法距句容四十五里  
之寶堰南通金壇北達丹陽尚有堅壘五座維時句容逆首方海  
悰遁至該處與壘賊僞顯王袁得厚謀阻進兵之路初九日鮑超  
率隊前往摩壘而攻賊但穴牆施礮堅閉不出是夜派婁雲慶等  
潛伏壘下又派馮標等五路併進賊漸不支各營負草填壕爭先  
躍入一壘既破眾壘俱亂壘中逸出之賊又經伏兵掩殺蹙逼入  
河者無算方逆袁逆遁往金壇丹陽而去查句容一城與金壇丹  
陽鼎足而三實爲金陵之左輔鮑超率師進剿一戰克捷並執二  
僞王殺五賊壘而金陵亦有日孤之勢裨益全局厥功甚偉又奏  
近日杭州賊首陳炳汶汪海洋等分道犯徽三月十三日唐義訓  
戰於徽郡之南殺傷相當毛有銘在郡東三十里外迎戰失利十

四日羣賊併犯郡城圍攻東北兩門力戰卻之十五十六等日官軍出城奮擊均獲勝仗詎湖州僞侍王大隊續由昌化而來十七日唐義訓毛有銘渡河進剿竟大挫於楊村刻下嶺內偏地賊氛徽休祁黟四城岌岌難保而賊之前隊已紛紛由龍灣婺源上竄江西後股續至者猶復絡繹不絕蓋侍堵輔三巨酋實有二十萬眾自湖州克後悉數由徽竄江其杭餘德清武康之賊數亦甚多金壇丹陽業經鮑超會同鎮揚兩軍克復常州亦有克復之信計蘇境各賊皆將繞由浙皖竄犯江西臣見調石埭二營青陽四營入嶺救援徽州又調鮑超全軍回援江西道途太遠竊恐已落賊後欽奉疊次諭旨詢臣能否親往金陵督辦攻剿目下徽境賊勢如此浩大上游無所稟承臣自不宜前赴金陵顧彼失此所有金陵圍師仍責成曾國荃一手經理臣屬其不可令大股衝出貽患

他方並屬瓦一金陵倖克卽由曾國荃彭玉麟楊岳斌將大槩情形先行馳奏以慰 聖懷其詳細戰狀則轉咨官文與臣會奏至漢中髮捻各匪前聞竄至鄧州內鄉之交頃接稟報鄂軍成大吉等於三月初六日在樊城附近大獲勝仗賊已全廬豫境該逆欲以舟師水路下竄援救金陵斷無可慮所慮者由豫皖陸師衝至鳳潁廬州巢縣一帶擄船南渡圖解金陵之圍是應防者在安慶以下之江面不在漸黃以上之江面也臣見咨商楊岳斌彭玉麟於浦口以上七百里要津渡口節節布置以防漢中東援之賊至鄂中需用水師該省本有礮船四五百號下游如楊岳斌全軍向食鄂臺之餉朝調夕至前准官文嚴樹森咨調李濟清萬化林二營臣飭派前往想已到矣前奉諭旨飭於楊岳斌彭玉麟二人中酌分一人溯流而上統帥鄂省陸軍之處俟接到官文來咨再行

酌度辦理沈葆楨奏髮逆竄至新城署知縣唐先霖集團迎剿小賊向城南塌處猛攻遂被闖入唐先霖及把總劉興榮退守皮家源初七日道員陳鳴志等統六成隊並唐先霖所集鄉團攻東門外之南山亭賊悉銳來拒盪決數次遊擊權光輝等裹創血戰殺賊甚多都司邱采芹守備谷開文殞於陣初九日提督黃仁遺等冒雨由張司嶺進至大漢嶺陳鳴志等統隊護之賊鑭擁來爭殲其前鋒二三百名後者遂退我軍連夜築壘修濠未畢賊隊虧集陳鳴志等飭各營堅壁以守俟其近壘擊之賊恃眾猛撲我軍連開巨礮擊斃七八十人賊卻而復集黃仁遺率所部出擊屢戰三時賊氣稍沮王順慶等潛從左右路繞出賊後鄧善慶等同時繼進羣逆奪路紛逃自相蹂踐我軍勇氣百倍斃賊四千餘人生擒

七十餘人據逃出難民供稱賊有他竄之勢是夜四鼓唐先霖及  
劉國冒雨疾進五鼓逼近賊壘及東北兩門已聞人聲洶洶黃仁  
遺等遂由城南缺處登城署知縣唐先霖等繼之該逆且戰且走  
劉光文等由北城衝入劉興榮等繼之城賊一時俱潰或走新豐  
橋或棄水向西南路而竄踐死溺死者不可勝計當將新城克復  
殺賊二千餘人生擒八百餘人救出難民千餘人該逆旋越邱家  
隘入福建之建甯縣境初八日劉于潯等進剿南豐踞逆以小隊  
誘賊於城西伏兵伺擊斬馘甚夥初九日席寶田飭東岸各營分  
路並進擊賊於八都墟后竹等處賊匪敗潰追至大洋源斬其僞  
信天侯張在明橋背太坪塢之賊見我軍至依壘而陣遊擊魏玉  
彩等分左右路進剿遊擊王耀亮督戰船轟擊賊勢不支敗向水

南楓嶺一路與僞天將林政揚合力以拒席寶田親統各營合擊

之羣逆棄壘狂奔追至劉家灣賊斷橋而去敗賊不得入城而城  
賊爲戰船所扼不得東援乃出悍逆萬餘圖撲城西營壘韓進春  
劉于潯等奮勇迎擊賊不能支遂潰入城十一日祥字營築壘於  
橋背街城賊出爭精毅營護之水師溯流而上斃賊不少十二日  
韓進春移兩營於偏左漸爲長圍之勢城逆出眾猛撲韓進春等  
率兵迎擊賊陣大亂斬馘無算追至城下而還是日劉勝祥聞林  
政揚尙踞城南五十里之丹陽墟復追殲其後隊該逆遂入建甯  
縣境席寶田以東路已固悍逆屢犯城西十四日仍統隊西渡聯  
絡韓營作長圍以困之 上諭議政王軍機大臣詳沈葆楨摺內  
於記名提督黃仁遺徐生德二員係請旨獎勵前經諭令軍機處  
知會各路軍營遇有奏請特旨獎勵之員須將該員履歷及歷次  
所得獎敘隨摺開送以備稽查今黃仁遺徐生德二員履歷未據

開送已於明降諭旨內將該二員先行交部優敘仍著沈葆楨將  
該員等履歷查取開送俟南豐攻拔再行候旨加恩曾國藩所陳  
賊酋陳炳汶汪海洋等分道犯徽其氛甚惡雖圍攻郡城力戰卻  
之而侍逆大隊復出昌化踵至徽州嶺內偏地賊氛徽休祁黟四  
城危急等情江浙軍務正當得手賊之分竄皖南江西前後踵接  
甚爲可慮曾國藩見已飭令鮑超全軍回援江西調石埭二營青  
陽四營之兵入嶺援徽著卽嚴飭各員趕緊分投援勦鮑超援江  
路途太遠恐落後著勢未必能繞越賊前沈葆楨所奏新城克後  
南豐一城尙未攻克卽著沈葆楨督飭席寶田韓進春等乘此各  
軍雲集之時速將南豐縣城攻克以絕後股竄匪希圖入江合併  
之意劉典已酌帶所部啟程赴浙著沈葆楨飛催前進江西得此  
一軍勦賊必更得力黃仁遺等所帶係江忠義舊部此次獨力克

拔新城甚爲得力並著沈葆楨相機調遣迎探後股竄賊攔頭截擊新城餘匪與南豐分竄之賊均已由江竄走閩境建甯地方前諭左宗棠徐宗幹催調曾元福內渡之軍以資防剿此軍何日內渡該督撫等作何調度隨時奏聞仍恐由江竄閩之賊其勢過重則曾元福一軍力尙薄弱前以張連蘭之軍勦辦逆匪向稱得力諭毛鴻賓等卽飭該員酌帶所部回福建臬司本任以備閩防嗣因毛鴻賓奏畱此軍未可驟離粵境復經諭令酌量調赴粵閩毗連境地駐紮俾與閩省聲息相通相機防剿見在由江竄閩之賊日多如由邵武汀州一路奔趨閩省官軍恐難堵截著毛鴻賓飭令張運蘭仍卽速回本任帶領所部迎頭堵剿使賊之竄閩者不得肆行奔突卽所以保完粵境並著將知府劉德謙添募楚勇酌定如何調撥豫防賊由江境竄粵之路粵東剿除各處餘匪兵力

如尙不敷須行另募道員唐啟蔭見在何處該員是否得力能否  
籌給勇貲飭令添募西勇及楚邊各勇以資調遣之處著毛鴻賓  
郭嵩齡酌量辦理曾國藩本日奏片內有湖州克復賊悉由徽寧  
江金壇丹陽業經鮑超會同鎮揚兩軍克復常州亦有克復之信  
等語湖常兩郡克復左宗棠李鴻章想各奏報在途此時全局通  
籌李鴻章克常州後即可移軍助攻金陵以圖速拔毋令大股再  
行竄逸擾及他處自是第一要著如兵力有餘尙可分撥由宜溧  
東壩入皖助剿兼防本省邊境要隘其皖南賊勢已眾惟左宗棠  
克湖州後將蔣益澧等各軍由浙派赴徽境所屬會同曾國藩調  
往之青陽石埭各營併力截剿尙爲捷近著該督等妥速籌辦並  
著催令劉典之軍迅卽取道江西與江省各軍覘賊所向以爲迎  
擊之師暫歸沈葆楨調遣曾國藩患病自屬實情當此事機緊切

之際全在該大臣運籌決策以竟成功著賞假一箇月安心在營  
調理其於軍務要件仍可照常督辦金陵圍師卽責成曾國荃一  
手經理務令拊循士眾奮勉圖功如果克復准其先由曾國荃彭  
玉麟楊岳斌會銜馳奏襄樊賊勢亦眾官文等前奏鄂省勦辦未  
卽大挫其鋒賊本有於該處聚齊回救金陵之說亦屬不可不防  
曾國藩所慮賊由豫皖陸路至鳳穎廬巢一帶擄船南渡之處本  
日已寄諭僧格林沁檄令陳國瑞之軍遇有逆捻等股由豫竄皖  
卽自徐宿一帶移軍援勦以備不虞楊岳斌彭玉麟水師江面布  
置仍著曾國藩隨時籌商辦理兵部侍郎崇厚奏江浙新復郡縣  
請飭籌辦賑濟一摺其中所奏是否可行著曾國藩左宗棠李鴻  
章查覈辦理崇厚原摺均著鈔給閱看將此由六百里各諭令知  
之○諭前有旨令僧格林沁調派陳國瑞之軍赴豫嗣據吳棠奏

請將陳國瑞一軍駐紮徐宿當經允照所請仍令聽候僧格林沁隨時調遣嗣經僧格林沁覆奏仍令暫駐徐州鎮撫屆時酌量調派茲據曾國藩奏稱漢中髮捻各匪竄至鄧州內鄉之交襄樊賊勢甚眾慮由豫皖陸路衝至鳳潁廬巢一帶擄船南渡圖解金陵之圍等語皖北防剿各軍節經官文曾國藩移調湖北皖南見存皖北各營兵力已不甚厚金陵功在垂成漢中髮逆人數眾多設由豫省竄至皖北勢將掣動大局關繫非輕鳳潁廬巢一帶爲該逆救援金陵陸路所必經之處防堵均形喫重喬松年雖在臨淮所部未必可恃陳國瑞一軍素稱得力且距鳳潁廬巢一帶較近著僧格林沁酌量情形陳國瑞應否移紮何處兵力是否足敷堵勦卽由該大臣檄令遇有髮捻各逆由豫竄皖時卽就近由徐宿一帶移軍援勦以資得力將此由六百里諭令知之○予江蘇陣

亡知府田芬參將楊茂泰祭葬世職○以復江西新城功子提督黃仁遺等侵敘○癸酉諭內閣閻敬銘奏請重名器以裕京餉一摺據稱捐例之開籍以籌備餉精近來行久弊滋如道府州縣等官責任均重自減成收捐以來以官爲貿易者得廁其間明效輸將暗虧帑項請飭將道府州縣四項仍按籌餉定例減二成章程呈繳實銀均在京銅局報捐等語所奏不爲無見道府有表率之責州縣爲親民之官均應慎選廉能以襄治理近因捐數較輕遂致所收易濫在撫費工進者流且自視爲無足重輕一經得官於地方吏治民瘼慢不知察恣情侵蝕罔利營私下則脅削民生上則虧那國帑總緣收捐太易人品混淆亟應明定章程以示限制嗣後各省捐局除丞卒雜職仍准照常收捐外其道府州縣四項官職著戶部按照籌餉定例減二成章程收捐實銀並令均在京

銅局報捐各省捐局卽將收捐道府州縣四項官職之處一律停止○諭議政王軍機大臣等陝西巡撫劉蓉前經胡林翼駱秉章歷次保薦朝廷簡任封圻畀以陝疆重寄見在陝西回務甫清餘孽未殄漢中逆匪剿除未淨竄豫之賊尤賴陝援關中據天下形勝籌畫軍務與民更始關繫非輕朝廷爲地擇人自當慎之又慎劉蓉爲駱秉章所素知且漢南距川密邇聞見倍確究竟該撫入陝以來於一切軍情有無貽誤以見在陝省情形而論該撫能否勝任卽著剴切據實奏聞毋稍徇隱又前廣東布政使文格見調來京引見前浙江鹽運使朱孫詒先經派赴多隆阿軍營襄辦營務嗣據多隆阿以回務告竣奏明給咨送部引見駱秉章前在湖南有年文格朱孫詒均久隸屬下其才具操守必能洞悉底裏又鹽運使銜候選道李槩已有旨飭令來京引見該員前在湖南本

籍辦事是否足資任使駱秉章諒亦知之有素以上三員並著該督就所見聞悉心評論其性情才識何如若膺簡用能否有濟務期覈實覆奏以副朝廷旁求慎簡之意粵省援軍入黔需餉孔亟著駱秉章卽於未解粵餉內按月籌撥銀一萬兩或數千兩委員就近解至黔省交楊廷桂軍營以資接濟將此由五百里諭令知之○諭張集馨奏彙報軍情分別咨飭堵勦並整厓營中情形各摺片曹燦章股內僞統領游飛熊等三百餘人旣從鎮安縣赴甯陝廳投誠何以復折竄該廳屬之腰竹溝續又由洵陽佛坪廳等處竄至鄂縣之澇峪口見在賊眾已驟增至二萬餘人是否該地方官爲賊匪僞降所誤堵勦鬆懈至今該逆任意肆竄復行蔓延張集馨原奏殊不明晰劉蓉不日即可到省著卽查明具奏鄂縣距省甚近防堵最宜嚴密張集馨見已咨明穆圖善撥兵進勦著

多隆阿卽飭令穆圖善迅速籌兵馳往遏截毋令延入腹地並著  
劉蓉飭令該縣多集鄉團固守要隘以固省城門戶川兵見在濠  
溝西峪溝等處兜剿若再得一軍進峪夾擊則此股可期殄滅著  
劉蓉迅卽撥兵與穆圖善所撥兵勇前後夾攻將該匪全股埽除  
毋得縱令他竄省城既有奸細徐殿揚冒充職官溷迹城內則防  
守稽查益宜慎密張集馨務當隨同劉蓉妥籌布置不可稍涉大  
意隴州回匪前已據多隆阿張集馨疊報肅清何以此時馬鹿鎮  
等處又有逆回屯踞陶茂林一軍見與雷正綰合攻平涼獲大  
勝逆首木三已爲雷正綰兵勇生擒若陶茂林所部不返隴州則  
平涼郡城指日可復畱夏滿城亦可進籌援應曹克忠見已由兩  
城池及湧峪口一帶俾穆圖善等軍移剿汧隴並峽口等處回匪

以通甘省糧路著多隆阿穆圖善劉答與雷正綰斟酌情形會商  
籌辦雷正綰所需餉銀五千兩並軍火器械等項卽著張集馨與  
林壽圖等設法妥籌源源接濟毋令稍有缺乏山陽商南鎮安各  
踞賊雖已東竄難保不復行折回廬氏之木陽關瓦穴皆與商南  
各隘口相連卽著多隆阿劉答嚴飭在防文武嚴密防堵盤厓營  
中將士仍著多隆阿飭令穆圖善整齊約束以肅營規將此由六  
百里諭知多隆阿穆圖善雷正綰劉答並傳諭張集馨知之○諭  
張凱嵩奏圍攻貴縣賊巢擊退援賊見籌進取情形陽春客匪擬  
竄西省楊廷桂一軍援剿黔匪各招片貴縣黃逆踞伏平天寨抗  
拒全軍經劉坤一等設法圍攻殲滅援賊購覓內應直逼該寨而  
營逆勢益形窮蹙著張凱嵩督飭各軍乘此聲威直擣堅巢務將  
該寨迅圖克復以竟全功陽春縣屬客匪經東省官軍擊敗見擬

逃竄西省陽春毗連信宜西省容岑兩縣緊與信宜接壤不可不豫爲之防著張凱嵩檄飭西省毗境文武督率兵練嚴密防守並飭令蔣澤春確探賊蹤迎頭截剿並聯絡東省官軍兩面夾擊以圖聚殲黔省匪徒廖萬服楊通朝等率黨千餘竄越西林之路城地方著張凱嵩卽飭知府吳其達激勵紳團實力剿辦並著勞崇光張亮基嚴飭該地方文武跟蹤緊躡以期迅殄逆氛黔省賊匪勾結李逆併股圖擾省垣其入寨之賊竄入獨山之霸街八蒙一帶又進踞紀賴旁寨等處該處一由獨山可達南丹土州一由荔波可達恩恩楊廷桂見已進軍荔波黃仲慶亦折回獨山分路進攻著張凱嵩卽飭該員等先將李七一股殲除仍視黔省緩急情形相機接剿並著勞崇光張亮基檄令本省各軍與粵西派出官兵聯絡聲援次第剿除毋令匪蹤益形滋蔓將此由六百里各諭

令知之○甲戌諭議政王軍機大臣等慶昀奏接奉寄諭行知阿  
拉善旗就近接濟及近日防守情形一摺另片奏遵旨將佛爾果  
椿正法拔兵漸近賊勢漸蹙等語阿拉善旗見撥粟米一百石銀  
二千兩陸續運濟省城前撥小麥及山西撥解協餉均可解到著  
慶昀妥派兵弁探路迎提以濟眉急並著嚴催代辦提督梁生嶽  
催集兵勇移營納家牖先分賊勢且可通府城廻南各鄉堡糧路  
仍設法勸諭沿山一帶紳富捐輸以固兵食而保危城訥欽一軍  
見已行抵何處並著慶昀等迎探催令迅速進兵務須內外夾擊  
免致日久懈生或生他變城上防軍雖尙得力殲賊並不能多賊  
未大創該匪故作進退相持之狀恐是誘敵之計城外焚掠愈甚  
則城內之糧草更難且恐各路解濟爲賊所截不可不慮該將軍  
等惟當慎守待援多發偵探毋恃賊之不攻遂謂可以大意也將

此由五百里諭令知之○丙子諭議政王軍機大臣等前因閩省  
防務喫緊並江西賊匪闖入閩省光澤等處疊經諭令左宗棠徐  
宗幹催令總兵曾元福由臺灣內渡茲據左宗棠等奏稱臺灣屬彰  
化斗六等處搜捕善後事宜均須籌辦曾元福在臺年久爲紳民  
素所信服應畱臺灣並委總兵曾玉明署理水師提督一摺福建  
水師提督著曾玉明署理所遺臺灣鎮總兵著曾元福署理見在  
江西新城克復南豐疊獲勝仗該二處竄匪陸續竄越閩省之建  
甯一帶地方黨與眾多必須厚集兵力方足以資堵勦曾元福既  
畱臺灣著左宗棠徐宗幹卽速催令曾玉明督率所部將士趕緊  
內渡馳赴建甯一帶相機進剿昨據曾國藩奏稱僞侍逆大隊由  
昌化竄擾徽郡並有湖州克復後侍堵輔三逆悉數由徽竄江等  
語湖州郡城於何日克復左宗棠此時諒已奏報在途見在浙境

是否一律肅清著卽迅速奏聞唐義訓毛有銘兩軍在徽郡剿賊竟至大挫徽休祁黟四城岌岌難保前經諭令左宗棠於湖州克後將蔣益澧各軍由浙派赴徽境惟此時皖南賊蹤徧地非厚集兵力不足以殄寇氛該督前奏有逆眾他竄當督飭各軍出境追勦務將此股肅清之語著卽調集各路兵勇馳往徽郡會合曾國藩見調之青陽石埭等營聯絡夾攻務將該逆就地殲除不可再任紛竄他處左宗棠旣以追勦湖郡竄賊自任自當不分畛域與皖南各軍併力齊心同殲醜類毋稍遲延所有浙界防務仍著左宗棠飭令王開琳劉清亮等軍嚴密堵遏毋令賊蹤再行入浙繞竄江西是爲至要將此由六百里各諭令知之○諭都興阿見在京啟程前赴歸綏原令卽在歸綏辦該處防務本日訥欽奏報馳抵定邊偵探回匪情形因續調直晉兩省官兵尙未到齊署總

兵趙廷烺定邊招募勇丁亦未募足均須催調並候多隆阿馬隊到營方能籌畫進攻靈州並有自卸署直隸提督纂務一切深恐呼應不靈等語馬化漋逆燄鴟張甯夏滿城待援孔亟日前雷正綰奏到進兵已偏平涼可期得手甯靈一路尤須從定邊及早進兵期與雷正綰等軍共收夾擊之效都興阿老於兵事諳練較深著卽趕緊由京啟程直赴定邊接統訥欽所部各軍速籌進取甯靈一路該將軍到後卽行傳諭訥欽回駐歸綏會同德勒克多爾濟籌辦歸綏防務訥欽所部兵勇見有七千餘名著該將軍酌量如兵力已敷可酌撥千餘名交訥欽帶往歸綏以資守禦都興阿行抵定邊續調直晉官兵定可到齊趙廷烺勇丁募足成軍堪資嚮導應卽如何調度進兵之處著卽迅速籌辦一面奏聞雷正綰進圖平郡屆時能否攻克該將軍應與如何聯絡進取並著妥爲

籌商將甘省回氛迅圖埽蕩以副委任將此諭令知之○丁丑沈葆楨奏新城克復後僞王宗一股蔓延於邵武府屬建甯泰寧兩縣地面去江境均不過百餘里南豐屢經各營力攻賊仍負嵎不出臣本擬飭令精捷繼果兩營緊追僞王宗一股精殺韓字等四營猛攻南豐乃後股賊匪三月初八日忽由昌化竄至績溪極爲剽銳可饒可廣防不勝防遂改令精殺精捷繼果三營東馳仍以韓字等三營畱圍南豐計此檄甫經到營而二十日陳炳汶汪海洋等逆已及德興之海口十七日李侍賢黃汶金等逆已及休甯之嚴市江省軍務實有進退維谷之勢臣祇得嚴催各軍迅速拔營探賊所向穩紮穩進飛催浙江臬司劉典江西道員王文瑞各統新募楚勇星夜來江其接統精捷營之總兵江忠朝已報啟程日期茲准湖南撫臣來咨復以舊傷觸發中止仰懇飭下湖南巡

撫催令該總兵迅速醫治稍愈卽行來江接統以資得力見因兵力萬分不敷祇得令席寶田添招二千五百人以便調遣李鴻章奏三月十九日金壇踞逆爲鮑超之軍偪窮蹙棄城出竄二十日道員吳毓芬探知逆眾已抵南渡距溧陽不遠恐其窺伺縣城卽帶隊三百名前往察看逆眾約二三千人屯列南渡東北小山大股直自山下行走吳毓芬伏兵山後令武和勝等率數十人誘之賊以五百人來撲吳毓芬揮伏兵兩路衝出斃賊數十名賊卽退走是夜復探知賊在南渡西南二三十里之小蜀山丁上橋周城鎮等處滋擾二十一日吳毓芬帶隊至離城三十里之烏鵲嶺遙望丁上橋西尚有賊旗整隊馳馳擒斬數十名追過周城鎮二十五日探聞僞直王率眾約會常州西路孟河呂城各賊由金壇境內竄往廣德已至南渡占踞侍逆舊營三座並分屯山下各村

約有萬餘人吳毓芬出賊不意自率陳占榜等出南渡正路吳毓蘭率杜長生由山腹小路出南渡東南扼招仙橋以扼其前羅義勝帶礮船及礮隊繞出南渡之後是夜二更齊至吳毓芬率陳占榜列隊山上令余嘉鼇率姜全政先圍村卡該逆睡熟悉數擒斬營賊驚覺與我山上之軍對擊適羅義勝礮船駛至排礮並發賊棄營狂走吳毓芬令羅義勝扼守南渡陳占榜武和勝沿山搜鈔賊館自帶余嘉鼇追勦大股時黑夜無月賊未知虛實驚竄蹂躪死亡枕藉四鼓至招仙橋吳毓蘭列陣截擊賊沿河亂竄吳毓芬等由後掩殺逆眾毙水溺斃者甚眾二十六日追至丁上橋又追至周城鎮四面兜裹賊棄械就戮已刻至建平交界已無賊蹤途中伏屍數十里陣斬僞直王林得善僞林天安黃有才僞愚天福李六僞洞天福袁明勝等多名皆於屍身搜得僞印生擒廣西僞

天將黃金龍訊係金田老賊僞護駕王黃金鳳之弟卽行舉斬計  
其斃賊四五千人解散江浙被脅難民三四千人此次吳毓芬等  
以少擊眾全股殲除勦辦甚爲奮勉其尤爲出力之遊擊余嘉龍  
等謹先開列可否分別獎勵出自

天恩又奏自常州西南門外

賊壘埽除後臣卽督飭劉士奇等將前攻嘉興大破在小南門安

設轟擊常勝軍破位在大南門安設轟擊劉銘傳礮隊在北門安  
設轟擊夜以繼日至二十二日午刻各將城垣轟坍數十丈僞護  
王抵堵大南門缺口僞誌王抵堵小南門缺口僞天將費姓抵堵  
北門缺口拌死救護隨坍隨堵我軍屢次撲過城濠未能搶登僞  
誌王業經炸礮轟斃兩粵悍黨仍捨命拒守兇狡異常我軍暫行  
收隊休息一面飭催蘇州礮局趕製各項炸彈多備攻具剋期再  
舉連日城內逃出脅眾供稱護逆因丹陽被困金壇收復我軍四

面密圍無路能逃堅志死守城內米糧可支數月惟油鹽子藥久  
將缺乏等語查侍聽堵輔各逆見由湖州廣德分路上竄江西常  
州護誌二逆與丹陽僞英王叔一股本欲約會陸續併竄誠恐江  
蘇完善之區又受擾害爲患更大臣一至常州卽督各軍奮力攻  
壞西南門賊營先斷竄路然後嚴密合圍以冀設法勦滅該逆亡  
命困聚冒死格鬪固在意中臣惟督飭各軍穩慎以圖設再蘿擊  
不進卽長圍困之當有聚殲之日附近各城俱已收復丹陽又有  
馮子材富明阿派兵牽制僞英王叔雖擁眾三四萬屢敗之後終  
必竄走其勢似不能援常卽使來援蘇軍全力聚於一城尙可以  
分撥迎剿臣前商令黃翼升派淮揚水師周國興一營赴小河口  
查禁接濟昨據周國興稟稱常丹交界之奔牛孟河圩塘魏村螺  
螢灣沿江一帶賊壘俱薙髮繳印乞降周國興收撫降眾一萬餘

人分別遣散並留守要隘丹陽來路已斷北路更可無虞又奏嘉

興復後

臣

因湖州尙有餘匪踞守商令李朝斌派太湖水師在湖

面梭巡防勦因湖州濱湖之錢濮有賊竄踞並築石壘三座三月

十六日水師往勦賊眾迎敵開破猛轟賊漸不支我軍乘勝登岸

追斬頗多卽將石壘踏毀又聞大錢口內楊濮踞賊築壘一座十

九日水師以兩營登岸設伏桑林中兩營對壘轟擊賊始猶抵禦

適伏兵由林中突出槍礮齊施賊遂棄壘狂奔追殺無算查蘇常

各屬濱湖地界甚多湖州踞賊未除防勦未可稍懈仍飭李朝斌

督令各營嚴密梭巡以期周密

上諭謹政王軍機大臣等江西

賊氛過重岌岌可危沈葆楨見以韓字等營畱園南豐而檄精毅

精捷繼果三營東馳探賊所向穩紮穩擊卽著嚴飭各軍迅速拔

營前赴德興一帶攔頭截勦仍一面飭韓字營等軍迅拔南豐以

免後股跟蹤踵至致前股賊勢復張益形棘手此次賊以大股併犯江西其氛甚惡曾國藩前奏賊犯徽城唐義訓毛有銘兩軍竟至大挫以徽浙之軍層層布置尙不能力遏奔突此時賊已入江而侍逆等復陸續上犯江右兵力單微復須勦除腹地賊氛豈能當此巨寇曾國藩前於句容克復後飭鮑超全軍回援江西此軍是否業已拔營著曾國藩檄令迅赴事機與江西官軍前後夾擊並飭皖南防軍將竄至休甯之李侍賢等逆攔邀截擊以免其接踵上竄左宗棠前於桐嚴一帶已調劉清亮等軍馳往扼守而賊之由昌化入徽者絡繹而來在防各軍曾否扼勦湖州克復之信亦尚未據左宗棠奏報見在湖賊悉數由徽竄江是湖城自己攻克其蔣益澧等各軍能否卽令馳赴徽境與皖南之軍將後股竄賊聯絡堵擊卽著該督速籌辦理劉典已酌帶所部啟程王文瑞

新募之勇亦由湖南籌給行費催令趕緊料理何以至今均無入江消息著左宗棠惲世臨檄飭飛速兼程前進並由沈葆楨一面迎催飭令視賊趨重何路卽由何路截勦江忠朝已報啟程因舊傷觸發中止著惲世臨催令該總兵趕緊醫調稍痊卽行迅速赴江接統江忠義舊部以資得力沈葆楨摺內稱新城克後僞王宗一敗蔓延於福建之建甯泰甯兩縣地面徐宗幹前派閩邊防軍爲數零散恐堵勦不能得力曾元福見已留臺其曾玉明內渡之軍徐宗幹迅卽催令督率所部馳赴建甯一帶痛加勦洗如曾玉明年老不能得力卽著左宗棠徐宗幹另選將才派往張運蘭前爲毛鴻賓奏畱粵省嗣經寄諭仍飭赴閩見在閩邊喫重著毛鴻賓仍飭張運蘭速回本任迅統所部卽赴建甯與曾玉明妥籌會擊不準堅畱瀆請展轉耽延貽誤大奸專專東毗連江閩各邊

並著毛鴻賓郭嵩燾嚴密布置豫籌分扼以杜窺伺之路正在寄  
諭間據李鴻章奏溧陽官軍截勦金壇竄逆全股殄除勦辦甚爲  
得手各路官軍若於敗賊紛竄均能如此勦除不令善脫則賊數  
日減何至殘寇復張嗣後遇有此等竄賊著李鴻章卽飭各軍攔  
截聚殲各處竄逃常州圍攻甚緊蘄坍城垣數處皆爲僞護僞誌  
等逆糾合堵護丹陽未克湖州踞賊未除曾國藩前奏丹陽湖州  
收復常以亦有收復之信自係傳聞之誤現在常賊米糧雖可支  
數月而油鹽子藥又將缺乏已成坐困李鴻章籌備攻具剋期再  
舉卽著督飭諸軍穩慎轟擊期拔堅城仍當嚴斷竄路以免旁逸  
湖州旣未克復而賊之大股已陸續上竄湖賊勢難堅守浙軍勦  
辦情形見在究竟若何著左宗棠速催蔣益澧等軍乘賊勢瓦解  
併力攻擊以圖克復徽浙之交一面催令防軍嚴密堵遏以防敗

賊踵竄如兵力不敷抑或添派數營前往與皖軍聯絡扼截之處  
卽著左宗棠不分畛域妥速調派李朝斌太湖水師疊破湖州濱  
湖之錢塘楊浦等處賊壘仍著李鴻章督令相機進取並於濱湖  
地方嚴密梭巡防其內犯蘇浙情形左宗棠李鴻章務須隨時咨  
會曾國藩與皖軍聲息聯絡通籌大局援剿兼施是爲至要將此  
由六百里各諭令知之○諭官文嚴樹森奏捻逆句結繞竄棗陽  
出省調度總兵梁洪勝於光化縣境續獲勝仗各摺片捻逆自襄  
樊敗走之後復欲北竄經梁洪勝等軍擊敗竄向河南浙川之李  
官橋等處漢中逆股竄至鄧州新野之交適與之合乘虛闖入棗  
陽縣境而賊尾股仍在河南內浙鄧州等處其眾數十萬蔓延數  
百里逆氛頗熾其地由湖北之安麻蘄羅可達英霍由河南之信  
羅光固可達六安到處空虛賊之欲繞豫楚以擾皖軍後路而解

金陵之危計頗狡毒官文等以先保漢黃安德四府及力扼長江廣漢爲切要之圖派令周鳳山等軍分駐襄陽等處布置均爲妥協官文見在出省督師自應擇要駐紮以便居中調度惟分布各路兵力尙虞單薄前諭多隆阿等派令姜玉順等帶兵四千名由甯陝迅赴湖北交官文調遣曾否啟程卽著多隆阿穆圖善催令姜玉順星速前往官文卽飛檄迎提以厚兵力穆圖善暫署欽差大臣關防節經諭令將各軍分投調撥何以隻字未見覆奏所有前諭將肅河清帶領之四千餘人由雒南一路會同常興阿等馬隊前赴河南歸僧格林沁調遣是否亦已派往並著飛催前進僧格林沁亦卽迎提到豫以資臂助官文等所奏賊竄情形與前日張之萬所奏略同漢中逆匪恐與張總愚陳大湧等均已句合捻逆黨屯蟻聚盜鄂疆僧格林沁由嵩縣督軍馳赴南陽與鄧新

及棗陽一帶漸近賊勢一片恐非鄂軍獨力所可支僧格林沁大軍並傳振邦所帶前敵各營應與鄂軍如何聯絡前截後追著卽迅速籌辦仍遵前旨兼顧北路之防以備賊復回竄豫境張之萬前奏髮逆曾在荆子關爲李殿元等設伏邀擊繞竄內鄉何以近日復有豫軍在荆子關爲髮逆攻破之事是否前奏諱敗爲勝著該撫查明具奏並著卽與僧格林沁趕緊商定督率張曜等與傅振邦等軍分投堵剿如須越境窮追毋得遷延觀望坐失事機致干罪戾曾國藩前奏派往鄂省之李濟清萬化林二營已據官文等分派襄陽一帶其咨商楊岳斌彭玉麟於浦口以上津渡節節布置以防賊之東援部勒諒臻嚴密此時捻逆羣黨虧集鄂境其由水路下竄圖擾皖軍後路以解金陵之危均須加意防維不可稍涉大意諒曾國藩必能籌畫萬全也陳得才等股旣已攻破荆

子關偏擾鄖境恐其後股尙復游衍商雒一帶多隆阿所派藍斯明等軍自應由後追蹤與楚豫官軍前後夾擊藍二順逆黨尙在蜀河鄂軍憑漢堵擊僅能扼使不得東渡李雲麟前奏以專勦此賊自任此時正可與鄂軍合力痛殲若再坐失事機避賊而行又復任意枝梧該京堂自問當得何罪正在寄諭閒劉蓉奏到連日追剿曹逆疊勝見飭兜圍及赴多隆阿軍營相視情形各摺片曹逆股匪由孝義一帶入山經劉蓉飭令蕭慶高等軍派隊卒團進剿賊勢已蹙惟城尙踞文公廟老巢亟須乘此聲威擣穴擒渠母畱餘孽多隆阿傷病猶劇殊增塵念見在派撥諸軍分道征剿事宜至閼緊要劉蓉到省接篆後不准在省耽延著卽親赴多隆阿軍營會同穆圖爲籌布催督各軍分投前往楚豫各路奮勇剿滅毋稍稽延

將士有依戀主帥未忍遽離等情即可告以

多隆阿傷病就痊亦當覘賊所在前往統率以慰其心劉莽出省  
著卽奏聞所有省城日行事件照例飭司代辦其防禦撫輯等事  
宜仍著各該文武加意整飭毋許鬆懈襄鄖與陝毗連而潼商等  
處仍恐餘氛未靖事機均極喫緊劉莽責無旁貸惟當妥籌調度  
嚴飭各路官軍正當勤力滅賊豈可安坐省垣轉形諉卸本日又  
據張之萬奏報追剿張總愚股匪至馬山口突遇賊匪大股截剿  
獲勝見在分兵剿辦等情正與此諭多相符合張總愚股果與逆  
匪竄合其由內新唐鄧一帶疊被剿擊竄去大股卽係陳得才陳  
大潛等全股南趨僧格林沁已抵馬山口督率蘇克金張曜等軍  
於赤眉城西大獲勝仗餘賊折入山陬避我馬隊著僧格林沁卽  
飭各軍將此入山殘匪埽除以便分兵擇要堵截逆捻大股張之  
萬已由汝州移營南陽著卽飛飭宋慶葛承霖之軍由內鄉等處

跟追期與楚軍合力會剿並令連美李承先馬步各隊馳赴信陽實力堵截總當不分畛域越境追擊共殄逆氛毋得徒託空言南北賊氛本相連一氣值此游氛四合其勢雖張各路官軍亦須會合四面兜剿以期聚殲該大臣督撫等其各同心齊力以赴事機是所殷望將此由六百里各諭令知之○戊寅諭議政王軍機大臣等憚世臨奏楚師越境收復貴州古州廳城連克尤洞等處賊巢一摺據稱二月十三日周洪印戈鑑派隊焚毀尤洞賊巢賊併趨筆架山等處周洪印復會合彭炳武等連克順寨漂寨賊棄筆架山受洞巢穴遁往古州趙福元等亦先後趕到會同代理古州鎮穆雙有等直擣古城城賊分門擁出官軍截殺多名遂將古州城克復賊股遁往平江等處周洪印等派隊猛進焚毀賊寨官兵窮追因荒山小寨無處覓糧且貴州總兵金泰文尙無成軍拔

營信息前途無迎勦之兵楚師跟追不及飭拔回古州相機進止等語湖南官軍屢次入黔勦賊若貴州派軍會合痛勦何難將黎平匪股盡行撲滅此股逆眾究竄何處何以未據勞崇光張亮基奏報殊不可解總兵金泰文見在何處何以日久未見拔營赴防著該督撫催令迅速赴任責令將竄匪悉數殄除如再遷延觀望或致賊眾竄擾完善地方卽著從嚴參辦以肅戎行憚世臨仍飭援黔各軍酌度前進會同黔軍將此股匪徒全數殄滅無任回竄包毛仙一股勾合多人屯聚孟溪悶頭坡距松桃城止五六十里又有黃號教匪任五等各股在松桃印江交界之天馬寺一帶滋擾伍雲召圍貴東道於石梁黨眾盈萬知府陳昌運撥練勇馳援據勞崇光等馳奏著將黔省賊氛並見辦情形據實查奏毋再遲

延髮逆及余唐等匪擾及荔波三洞粵軍副將楊廷桂赴荔波搜  
勦惲世臨卽飭周洪印戈鑑等與之聯絡會勦此股量不難悉數  
蕩平將來黎古肅清援軍應赴何處協勦仍著不分畛域出境追  
勦以固邊防江西防勦十分喫重王文瑞劉典兩軍已募齊勇丁  
陸續入江著惲世臨卽催令帶勇迅速前進母稍延緩江忠朝因  
病尙未啟程而江忠義舊部需人統帶該撫仍遵前旨催令力疾  
啟程赴江以期得力湘省東路各邊仍照舊布置如兵力尙單卽  
調回趙福元等軍力顧東防保全大局以副委任將此由六百里  
各諭令知之○諭惲世臨奏遵催田興恕赴川並添派知縣呂鳳  
藻馳赴鎮等會同川省委員押解前進等語田興恕押解入川據  
惲世臨前奏本有二月二十六日啟程之說何以至今尙無就道  
確期當此事有轉圜之際豈容該革員遲延不前致生枝節惲世

臨務當恪遵前旨迅飭胡鑄等催令田興恕剋日啟身並飭呂鳳藻會同四川委員姚寶銘押解前進儻敢再有稽延必惟憚世臨是問駱秉章仍當派員迎提將田興恕在川羈禁一面馳奏一面飛咨黔省迅速查辦勞崇光張亮基於田興恕到川後卽將教民一案趕緊審辦奏結爭關中外大局想該將軍督撫等自能恪遵迅辦也將此由六百里各諭令知之○諭前因勞崇光奏賈洪詔委新選維州協副將尙阿布署昭通鎮篆恐於滇省情形未能熟悉請仍令楊盛宗署理當經降旨允准並諭令嗣後滇省委署鎮將以下各缺卽著勞崇光斟酌辦理其文職各員該督撫仍當和衷商榷會同委署茲據賈洪詔奏用兵之道事權宜一見當籌議進兵如以勞崇光身任總督統兵是其專責請飭迅速由黔籌辦儻勞崇光未能兼顧請明降諭旨交賈洪詔專辦其武職提鎮等

官均歸調遣等語覽其所奏似不以勞崇光委楊盛宗兼護昭通  
鎮爲然殊屬非是各省武職凡總督駐紮省分向由總督專政賈  
洪詔豈不知之勞崇光以尙阿布係部選人員恐人地未宜仍委  
楊盛宗署理亦係因公起見賈洪詔何得因撤退尙阿布遂以事  
多牽制意抱不平且黔省兵餉兩艱匪徒充斥勦辦尙無從著手  
賈洪詔請令勞崇光由黔督兵赴滇明知事不能行故爲此奏不  
免意存冒試該撫甫膺疆寄輒悻悻自好動與總督齟齬將何以  
副朝廷委任賈洪詔著懔遵前旨迅卽馳赴昭通駐紮督同臬司  
劉嶽昭及地方文武將勦匪事宜次第籌辦毋得安坐成都遷延  
觀望於滇省軍務僅憑地方官稟報一奏塞責且據該撫另片奏  
參將梁士美會同夏家疇等分攻思普破賊寨七八處見在出示  
招徠漢人以孤賊勢已飭隨營藩司儘力撥發經費以資接濟其

出力各員俟到滇後詳查另奏等語是賈洪詔亦以梁士美等所  
稟打仗情形未可盡信更當速赴滇境俾將士有所稟承而所撥  
餉需庶可功歸實用較之千餘里外徒事遙制者當有裨益並著  
勞崇光將奉旨交查之件迅速催辦完案一俟奏結後卽遵前旨  
前赴昭通一帶與賈洪詔將進止機宜妥籌熟計期於萬全無失  
勞崇光久任封疆深於閱歷如賈洪詔用人調兵各事確有所見  
該督仍當虛懷採納以收集思廣益之效斷不可豫存成見貽誤  
事機將此由五百里各諭令知之○己卯諭議政王軍機大臣等  
富明阿奏水師擊退沿江竄賊及揚軍進攻丹陽連日獲勝並遣  
散降眾情形一摺另片奏請調臨淮馬隊來揚等語僞英王叔負  
固丹陽意在與金陵常州相爲犄角牽掣我軍而句容金壇餘黨  
及常州西門擊敗悍賊五六千人屯聚於斗城東南門外並據降

賊頭目等供將來金陵常州如實不能支持亦必虧聚丹陽併力出竄是丹陽一城爲該逆必爭之地富明阿請令鮑超會兵攻取丹陽策亦頗善惟因侍堵各逆由皖南上竄江西前經曾國藩奏請令鮑超一軍上援江西已允其請是鮑超之軍不獨不能助攻丹陽並不能固守東壩仍著富明阿馮子材督飭詹啟綸等就見有兵力實力攻拔不准耽延並不准任賊出竄蹂躪他處劉巷木橋等處降眾富明阿等捐廉資遣設局辦理飭令該委員等實心經理不得有名無實臨淮馬隊無多前經喬松年奏請遣撤更換當諭以吉林等處官兵調出已多不能再調如須添兵可於附近軍營酌商奏調是臨淮見存馬隊不甚得力已可槩見若調赴揚營則該處更形空虛見在楚豫賊匪圖犯皖疆以援金陵不可全無備豫除富明阿本日所請如有警信南渡之軍尙須酌撤回揚

准其照辦外陳國瑞見已銷假前據吳棠奏令其駐紮徐宿著僧  
格林沁酌量將該提督一軍調赴臨淮一帶扼要駐紮以備不虞  
如楚豫賊匪有竄近皖疆之信即可飛調陳國瑞一軍截剿並遵  
照疊次諭旨催提陝西所撥之常星阿等馬步各隊迅速赴豫一  
俟到營卽酌撥馬隊數百名赴皖交喬松年調遣以防賊匪下竄  
喬松年卽可騰出克蒙額所統馬隊全數赴揚歸富明阿調遣以  
資得力將此由六百里各諭令知之○增設江甯駐防協領二佐  
領防禦各四經制筆帖式候補筆帖式各三○予江蘇陣亡參將  
李慶園祭葬世職○予四川殉難知縣石文卓祭葬世職建祠生  
員陳廷銓等附祀○辛巳諭內閣左宗棠奏覈減紹興府屬浮收  
錢糧一摺浙東各屬錢糧以紹興徵數爲最多而浮收之弊亦最  
甚經左宗棠查明覈減除正耗仍照常徵解外其減去錢二十二

萬有奇米三百六十餘石民困諒可稍蘇卽著照所議辦理嗣後並著爲定章永遠遵行其地方官吏尤當潔已奉公剔除積習儻敢陽奉陰違添設名目格外需索及大戶不遵定章完納者卽著該督撫嚴實查參懲辦以重國賦而恤民瘼○左宗棠奏自武康德清石門三縣克復後各賊酋擁眾十餘萬由安吉孝豐上竄僞堵王黃汝金僞祐王李遠繼僞輔王楊輔青仍堅踞湖州臣當飭蔣益禮派軍進攻湖州飭楊昌濬督各營進駐武康飭分水嚴州湧遂各處守軍相機截勦三月初九初十等日該逆陸續竄至昌化縣境前股已趨績溪十一日駐防分水副將劉明珍率所部四營前赴昌化攔擊兼理昌化縣事署分水縣知縣邵杜亦率鄉團助勦將其後隊截殺六七百名生擒悍賊百餘名十二日劉明珍復率各營追至白牛橋搜殺粵賊二百餘名遺散者四五百名侍

逆李侍賢及各逆繞由昌化十都過老竺嶺悉向安徽績溪竄去復由間道走歙西之嚴寺篁墩以竄屯溪其聽逆及僞濂王汪海洋等逆走歙縣之水南村分路向南源口深渡過河折竄浙境十五日徑趨小川希圖分犯滬遂十七日駐防遂安總兵王開琳令王福昌一營嚴守雪嶺黃蔚村自率親兵並龔隆貴等三營由黃蔚村進丁長勝等三營並水師後營師船由威坪街口沿河直上行近小川該逆出隊來撲官軍奮擊賊退踞石橋官軍乘勢急進衝過橋北丁長勝等各隊繼至師船遙於河中轟擊斃賊六七百名賊敗走一向深渡一向小川裏山而遁王開琳麾兵趕殺約追七八里賊復回拒羅瑞山等沿山圍勦而上賊始大敗爭向山谷狂奔自相踐踏死者無數其向深渡逃竄一股亦經龔隆貴等截殺四百餘名落河溺斃者無算餘賊悉敗竄屯溪是役殺賊一千

餘名生擒百餘名踏斃溺斃者倍之其湖北一路自初八日高連陞進剿獲勝後羣賊皆退聚菱湖東村山茅菁山一帶築壘復於西北之長興及四安梅溪安吉等處運營數十里

臣

當飭劉連陞

水師各營駛赴德清飭蔣益澧分撥高連陞各軍由德清進規湖郡西南劉樹元各營由石門進規湖郡東南三十四等日劉連陞等各率師船進攻菱湖破賊一卡蔡元吉復率軍進駐靈山高連陞等率軍進駐埭溪二十二日湖郡之賊分路來撲高連陞等營壘各軍擊敗斬殺數百名賊潛竄洛舍亦經高連陞等擊退見在浙江一省惟餘湖州一城及長興安吉兩城未卽克復賊數雖多然形勢漸蹙尚可緩圖惟蘇皖餘逆李侍賢等與杭城餘杭漏出首逆陳炳汶汪海洋竄入皖境決意竄擾江西必須節節截剿豫爲戒備

臣

於杭餘等城克復後卽飭黃少春等嚴密準備並催

調劉明鐙等各營馳赴嚴衢各要隘以厚兵力乃各軍甫抵嚴州而賊已竄至徽境進竄屯溪鎮旋又竄至婺源之江灣汪口等處距江西之德興樂平不遠臣方飭王開琳由馬金街出大鏞嶺以趨婺源之南戴奉聘等三營由翠埠出德興之東截之忽接黃少春飛報聽逆汪逆前股擊退遁回屯溪後復翻白際嶺折竄遂安昏口楊村一帶黃少春已帶所部馬步各營與王開琳一軍出楊村橫擊之魏喻義等急馳赴馬金街與黃少春所派黃元吉李良平兩營合隊爲迎頭截擊之兵臣已飭劉清亮一軍速赴馬金街尙未知能否趕在賊前昨接署浙江臬司劉典來稟知新募之軍四月初旬始可由湖南啟行道員王德榜回湘續募兩營已抵廣信臣擬俟此股竄賊剿除後卽飭王開琳王德榜戴奉聘各軍赴江西與劉典會合其黃少春劉清亮兩軍則仍應畱防滬遂俟湖

州賊蹤稍定乃可他調蓋皖南之廣德州甯國縣績溪縣一路空虛湖州之賊以長興安吉爲出路一舉足卽入徽境不由此竄江西必由滬遂竄江西未可任其衝突也 上諭議政王軍機大臣等左宗棠所奏李侍賢與陳炳汶汪海洋等賊竄至皖南圖擾江西與節次曾國藩沈葆楨所奏大略相同而左宗棠此次奏稱於昌化小川深渡截勦疊有殲戮餘賊竄向小川裏山及由深渡悉竄屯溪當是皖南迤東一帶情形曾國藩前奏皖南賊勢甚眾唐義訓毛有銘兩軍均有挫失祁黟休婺岌岌堪虞當是皖南迤西各境逆氛更肆左宗棠所派王開琳等軍由馬金街出嶺以截賊於婺源之南德興之東又因汪逆折竄浙境遂安一帶勢不能不回軍合隊迎頭截擊其所續派劉清亮之軍赴馬金街若能趕到賊前速與諸軍併力截勦將凜逆此股就地殲除則由皖竄江

賊勢又稍輕卽飭王開琳王德榜等各軍速赴江西會同劉典之軍助剿江境之賊其黃少春劉清亮兩軍自應畱防遂安等境俟湖賊剿平賊蹤稍定乃可移動惟皖南廻東之廣德甯國以至績溪一路空虛不但蘇境餘賊全由此路竄走卽湖州之賊以長興安吉爲出路亦可由此竄徽以入江境毛有銘等近日軍威是否重整堪資截擊丹陽尙未卽克鮑超一軍赴援江西曾否啟行著曾國藩將皖南徽甯一路之防加意布置嚴督諸軍節節截剿但能剿滅一賊卽少貽江境一賊之患湖州官軍漸次合圍著左宗棠督飭高連陞等軍迅圖攻克浙省惟餘此城及安長兩邑未復並著速行埽蕩全清浙境李鴻章派赴助攻湖郡各軍前奏破賊錢灑著卽飭令乘勝會合浙軍併力攻擣以資得力江西南豐一城曾否攻克著沈葆楨嚴飭席寶田等各軍實力進攻所派精捷

等營東馳前赴德興一帶攔截皖南續竄賊股並著飭令會合皖  
浙諸軍前截後追其收夾擊之效其劉典王文瑞兩軍並遵前旨  
催提星速來江以憑調遣該撫前奏又有飭令席寶田添招二千  
五百人此項新軍係由何處召募見在曾否招齊作何布置並由  
江竄閩之賊有無續往兵力能否支持均著隨時馳奏將此由六  
百里各諭令知之○諭昨據惲世臨奏楚師收復古州廳城克復  
尤洞等處賊巢惟貴州總兵金泰文尙無成軍消息粵軍亦尙未  
入黔前途無迎剿之兵其勢必將不及各等語當經諭令勞崇光  
張亮基迅催金泰文赴防剿匪茲據勞崇光等奏黎平髮逆經官  
軍擊敗後竄至古州平江地方焚掠洋洞一帶亟須迅圖兜剿免  
與苗匪土匪勾結等語似係尙未知楚軍收復古州之信著勞崇  
光張亮基迅飭總兵金泰文馳赴防所會同湖南粵西兩省援軍

嚴密剿洗分路堵遏將該逆逼入古境爲一鼓聚殲之計毋令匪  
蹤旁竄致官軍著著落後徒事尾追如金泰文遲延不進卽著勞  
崇光等嚴參懲辦昨據惲世臨奏楊廷桂已抵荔波飛飭周洪印  
戈鑑彭炳武等探蹤前進與廣西之軍聯絡會合著勞崇光張亮  
基惲世臨卽檄令周洪印一軍仍於黎平古州一帶會合貴州派  
出之梁成珍等軍聯絡搜剿迅殄逆氛張凱嵩派援黔省之副將  
楊廷桂一軍據奏業已師次羅城本可直趨黎平惟髮逆見竄古  
州周洪印楚軍已由黎平前進若粵師亦由此道進剿則大兵皆  
萃於東路西路未免空虛該逆伺隙蹈瑕銳意西竄恐由獨山荔  
波逸入定番廣順一帶即可窺伺省城且該處毗連思恩河池等  
處粵省亦有防不勝防之患著勞崇光張亮基張凱嵩檄飭楊廷  
桂所部由思恩一路赴黔在獨山荔波一帶扼要駐紮與黔楚各

軍兩面夾攻迅殲醜類興義克復賊首張啄三率死黨竄併新城  
著勞崇光張亮基飭令官軍乘勝跟追殲除首惡務絕根株將此  
由六百里各諭令知之○癸未召龔自闕來京以裕麟爲貴州布  
政使承齡爲貴州按察使出糧儲道遷○甲申李鴻章奏官軍合圍常  
州自三月二十二日轟塌城垣臣與諸將日夜派隊嚴守缺口適  
連旬陰雨該逆每黑夜冒雨偷築塌處弁勇時以槍箭防護殪賊  
甚多四月初三日各項炸彈配齊臣添調劉士奇王永勝所部全  
隊赴常州令戈登礮隊仍攻南門劉士奇等礮隊移攻東南角又  
於城濠外豫築長牆百數十丈使兵勇有所護身礮位可以移近  
部署既定臣與李鶴章輪替查勘飭郭松林劉士奇等各於長牆  
下開一深溝暗通城河可容二三千人夜間密派弁勇由溝內出  
搭浮橋屢被城頭守賊知覺自初更至天明槍礮不撤且互有傷

亡如是三四夜而浮橋已成六道初五日雨稍止臣卽令戈登王永勝劉銘傳等開礮轟擊至初六日午刻戈登仍將南門舊缺口轟塌數十丈劉銘傳仍將北門舊缺口轟塌十餘丈劉士奇王永勝督同管帶礮隊都司劉玉龍將東南角亦轟塌十餘丈黃翼升督派各營水師分門對轟城賊死力堵拒隨塌隨墳經我軍破斃槍斃甚夥無處立足臣見機有可乘未刻傳令各軍大隊同時由缺口齊上郭松林等分路突衝而上受傷多人其南門缺口後隊稍卻郭松林橫刀亂砍一擁直前劉士奇王永勝催隊愈急頃刻間我軍旗幟布滿城頭戈登督常勝軍槍礮繼進忽護逆卒兩廣悍賊數千拌死由水北門來撲王永勝劉士奇由東門循城迎擊張樹聲乘勢督三營搶上東城會合兜剿賊漸不支而北門守賊仍與劉銘傳所部拌死拒鬪劉銘傳率所部猛力撲進遂將護逆

一大股擊入街心王永勝劉士奇劉銘傳張樹聲節節追斃賊亦  
節節回撲沿衢塞巷屍血狼藉追至僞護王府該逆仍率死黨繁  
立石卡以槍礮對擊我軍圍之數重副將龔生陽衝入賊隊生擒  
僞護王陳坤書遊擊宋雲龍生擒僞佐王黃和錦賊眾奔潰殲戮  
靡遺郭松林劉士奇等見城內人眾不可勝誅傳令伏地棄械者  
免死於是男女老幼跪降者六七萬有餘郭松林戈登等由南門  
沿城追斃僞列王費天將帶賊六七千人由小南門竄擁撲來又  
戰十數合忽前忽卻周壽昌等大呼陷陣周盛波王東華等由缺口  
進合力堵擊該逆前後受敵猶亡命猛衝其縫落城下數百人  
經周盛傳等截斃淨盡大股繞城亂走亦經各軍追殺內有廣東  
悍逆數百埋伏僻巷持矛格鬪儘數斬之周盛波所部生擒費天  
將捆送正法自未刻登城巷戰直至酉未始將賊眾全股擒殺無

得脫者遂克復常州府城當將僞護王陳坤書凌遲處死梟示常  
州東門外以洩眾忿查常州爲護逆分地脅從最多荼毒最甚臣  
沿途察看百數十里內村市平毀農田全荒白骨荆榛絕無居人  
卽從此招徠撫恤一二年內農商斷難復業臣惟有亟爲休養冀  
慰  
宸廬此次攻克常州除臣弟李鶴章無功可錄不敢仰邀獎  
敘外所有尤爲出力之統將提督劉銘傳屢卻大敵福山鎮總兵  
郭松林提督王永勝劉士奇均首先登城不避矢石可否請旨酌  
加優獎淮揚鎮總兵黃翼升勞苦功多可否請旨交部從優議敘  
其勞績尤著之將佐文武先行開列請獎以昭激勸其餘應獎應  
卹員弁兵勇容俟查明專案奏辦  
上諭內閣李鴻章奏官軍攻克常州府城生擒首逆全股撲滅一摺此次李鴻章親督各軍痛  
殲巨股克拔堅城實屬謀勇兼全深堪嘉尚著加恩賞給騎都尉

世職道員李鶴章遇缺提奏提督劉銘傳記名提督郭松林王永勝儘先提奏提督劉士奇俱能親冒矢石奮勇爭先均著賞穿黃馬褂以旌勞勦遇缺提奏提督黃翼升著交部從優議敘權受江蘇省總兵戈登帶隊助勦暨著戰功此次協同攻克常州尤爲出力著賞加提督銜並著照李鴻章所請頒給旗幟功牌以示優異仍俟將所部常勝軍部署妥協再由李鴻章奏請嘉獎○馮子材魁玉奏鎮揚官軍圍攻丹陽四月初八日酉刻張文德派副將楊青山等分路梯攻西南兩門另派軍功蔣湧源等管帶各起降勇隨同進剿副將林從太等統帶各營馬隊截殺潰匪鄉團練勇豫備包鈔布置既定張文德直抵城下令諸軍賈勇先登該逆憑巢抗拒官軍前隊受傷數十人楊青山等奮不顧身指揮將士從礮火中填濠而進將城上更樓哨臺轟毀數處守垛之賊殲殪無數

官軍斬關直入時脣啟綸所部亦由東北兩門合力圍攻逆勢大潰揚鎮兩軍四面截殺斃賊近萬生擒一千二百餘名卽於是日亥刻克復丹陽縣城其西南各門附近賊巢數十處一律焚毀殲斃甚多在事鎮將躬冒矢石著有微勞合無仰懇天恩先行獎勵其餘出力文武官弁兵勇容臣等擇尤保奏上諭議政王軍機大臣等李鴻章奏克復常州府城馮子材魁玉奏克復丹陽縣城各一摺賊首陳坤書聚黨負嵎與金陵賊窟爲犄角李鴻章督軍苦戰克復郡城竟將賊首生擒就戮全股殄滅無一漏網江南大局得以漸定所辦至爲周妥見在丹陽亦已克復雖據馮子材等奏稱斬擒不少恐竄出之賊尙多且未將賊竄往何路明晰聲敘丹陽城中悍賊甚衆若任其奔突又將貽患他處見在賊股竄往皖南江西等處者其勢已重尤當防其陸續竄往合併著李鴻

章卽飭劉銘傳等迎探賊蹤攔頭截擊並著富明阿馮子材等嚴飭揚鎮各軍奮力追剿丹陽竄賊與劉銘傳等軍前後夾擊務將餘股全數殄除毋得以克復丹城遂置竄賊於不顧曾國藩調鮑超一軍赴援江西而令李鴻章酌撥勁旅接防東壩東壩爲賊竄要道該撫以丹陽未克先令提督周盛波等八營由溧陽進紮南渡與東壩聯絡截剿此時丹陽已克北路防鬆是否卽可調派各軍進紮東壩二溧一帶以便騰出飽超一軍及早援江抑將丹陽出竄之賊剿滅淨盡再行調派著曾國藩李鴻章會商妥籌相機辦理戈登帶隊協剿常州之賊甚爲出力該撫所奏前項賞銀一萬兩戈登不肯收領擬仍作遣散洋弁經費固係爲要好起見見在常州攻克該洋人肯先行遣散卽著李鴻章飭令丁日昌李恒高等與戈登妥爲辦理一俟辦有就緒卽將如何再行嘉獎戈登

之處迅速奏聞另片奏遵撥輪船經費劃充軍餉等語此項輪船  
經費據赫德所稱見時所存止能起解十五萬兩左右餘款須俟  
該稅務司回滬查覈辦理卽著李鴻章飭將見存銀款迅卽繳解  
曾國藩軍營仍令轉催閩粵各關陸續撥解及將江海關欠撥之  
款飭令開道設法分起湊解並著曾國藩隨時提催以資散放而  
勵軍心正在寄諭間富明阿奏到克復丹陽一摺與馮子材等奏  
大略相同摺內所奏僞英王叔身受重傷先期逃往常州等語未  
知獲賊所供是否確實仍著富明阿馮子材查明首逆如尙在逃  
務須擒戮毋任漏網降眾人等尤須設法妥爲安插遣散以絕後  
患毋稍大意將此由六百里各諭令知之○以故朝鮮國王李昇  
世子熙襲爵命戶部左侍郎阜保爲正使正白旗漢軍副都統文  
謙爲副使往封○乙酉諭議政王軍機大臣等前據賈洪詔奏稱

徐之銘徇私濫保請將所保各員撤銷當經降旨允准嗣據勞崇光奏稱滇省近日情形並請將出力之馬如龍岑毓英分別賞加提督布政使銜一併賞加勇號當以該二員均係徐之銘保奏應在撤銷之列未便徑照勞崇光所請致與前旨兩歧諭令勞崇光賈洪詔速將攻克楚雄府及景東廳縣出力各員確切具奏再降諭旨並令賈洪詔將前旨妥爲收存暫緩宣示本日據趙光奏滇省見在情形一摺據稱馬如龍岑毓英保護省城厥功甚偉馬如龍並令馬德新同岑毓英往攻杜汝秀收復楚雄府景東廳及各州縣地方各回眾用言煽惑以危詞勸令與杜逆聯和其拒官軍馬如龍力排邪論決計討賊惟勢成孤立非優加獎勵假以事權恐呼應不靈難以濟事並將滇省紳耆等公函一併呈覽等語馬如龍深明大義力杜邪說以回攻回爲同教所忌勢處孤危若

不亟與鼓勵恐其懷疑自畏銳氣阻消眾心因而解體於滇省全局關繫非輕著勞崇光賈洪詔迅速會商如馬如龍立志不欺眾其信任卽應權宜辦理不可錯失機會馬如龍以前應得獎敘著勞崇光賈洪詔迅卽會銜奏請不必俟楚雄等處出力各員查明後始行彙請給獎以安人心而資鼓舞岑毓英帶兵出省屢克城池亦宜先行給獎以期呼應較靈並著勞崇光等一併先行請獎前旨仍著賈洪詔安爲收存暫緩宣示趙光原摺並滇省紳士等公信一件均著鈔給勞崇光賈洪詔閱看將此由六百里各諭令知之○改河南會亭營參將爲永城營參將並中軍守備移駐永城以甯陵城守汛隸左營睢州城守汛隸右營各駐把總一移甯陵把總於胡家莊睢州把總於會亭驛改設馬頭寺烏牆集千總各一白馬驛黃塚馬牧集十字河外委各一鄧縣城額外外委一

○丙戌諭內閣國家廣開言路整飭官常惟期內外臣工奉公守法屏除私見若身爲大員則平日束身立行益當謹飭自愛不投人以指摘之端至被參人員尤宜知止謗自修之義痛自愧厲豈可意圖報復許人陰私本年三月聞通政使司通政使王拯曾以僉王濫列請將侍郎崇綸恆祺董恂薛煥安徽巡撫喬松年內閣侍讀學士王維珍量加裁抑除摺內所稱喬松年一節經寄諭曾國藩察看外所參崇綸恆祺王維珍等事無指證至薛煥巡撫任內被參各款前此業經曾國藩查明覆奏尙無實據惟辦理通商事務頗爲熟悉而此次王拯摺內亦未能指實款蹟是以將摺畱中暫緩查辦乃本月初九日薛煥奏參王拯吸食鴉片煙請加懲處等語昨命議政王軍機大臣傳旨詢問王拯據王拯呈稱從前因係治疾曾經吸食有瘾見在疾不復作舊染亦卽痛加屏絕惟

向來持躬弗謹致被糾參請旨卽子懲辦等語職官吸食鴉片例  
禁綦嚴王拯從前雖因治病沾染究屬有干例禁本應照變通新  
章官員吸食者卽予罷斥姑念王拯一經奉旨傳詢卽據實直陳  
尙無欺飾且係原參辭煥等之員若竟予嚴懲恐因事糾彈者聞  
而緘口言路將因此而塞王拯著從寬實降三級調用並毋庸在  
軍機章京上行走以示薄儆辭煥被人參劾不能捫心自反輒將  
王拯吸食鴉片列入彈章顯係意存報復有爲而爲非因公論列  
者可比此風斷不可長辭煥著實降五級調用以爲逞私攻訐者  
戒並著仍在總理各國事務衙門行走以觀後效該二員當知朝廷  
格外之恩感激奮勉力贖前愆見在大小臣工沾染鴉片惡習  
者恐尙不止王拯一人亟應痛自改悔湔除銬習儻仍前苟且偷  
安一經發覺定卽照章嚴懲斷難再邀寬典至許人陰私易開攻

擊之風於政體大有關係如此後再有犯者亦必從嚴懲辦決不姑容王拯摺內所參董恂在順天府府尹任內向其所屬月索薪米遂爲規例等語著萬青藜下寶第查明據實具奏毋稍徇隱○僧格林沁奏臣於三月十九日督帶馬隊由嵩縣越山取道向南進發二十五日馳抵南陽縣屬之馬山口據副都統色爾固善等面稟二十四日突有後股長髮逆首梁姓率眾來撲我軍迎頭截擊殲賊二百餘名該逆敗逃追殺二十餘里復斃賊二三百名二十六日臣統領馬步各隊進山追剿行至夾道溝地方該逆膽敢列隊抗拒當卽揮令副都統恆齡等各帶馬隊越山衝壓翼長舒通額等馬隊從旁接應該逆敗走我軍追殺數十里斃賊四五百名生擒數百名救出難民三四百名敗匪翻山向西南板橋川一帶狂奔馬隊未能窮追訊據賊供此股髮賊不過七八千人見向

西南逃遁欲與前路逆首陳得才合股等語是此股髮逆人數無多且經兩次擊敗自不難於埽滅當飭色爾固善張曜等帶領所部兵勇躡蹤追勦無論此股竄至何處無分畛域實力追擊其前竄髮逆數股及張總愚股匪悉向新野鄧州一帶奔逃三月十五至二十五等日蘇克金春壽連日在鄧州雙橋新野縣安春寨一帶與各股賊匪接仗疊獲勝仗見仍跟蹤追勦先經臣飭撥都司桂錫楨等馬隊趕赴前敵隨同蘇克金勦辦以厚兵力臣督帶各起馬隊兼程跟追於四月初二日至棗陽屬之唐縣鎮距賊二十餘里紮營與總兵楊朝林面晤該鎮帶有楚省步隊兵勇四千名在彼駐紮並將棗陽所駐步隊五百名隨州所駐步隊五百名一併令該鎮統帶隨同前進臣於初四日冒雨跟追探得張總愚股匪在州城南開一帶潛伏當卽派隊迎擊擒斬甚多張總愚身帶

重傷向馬平港一路狂奔馬隊難以窮追見飛調瀟河清孟宗福等酌帶四千人迅即來楚交官文飭令與楊朝林之軍合力追擊迅掃逆氛查各股賊匪見竇德安一帶距省城不遠有官文督飭水路各軍足敷勦辦黨向江南一帶奔竄有曾國藩各軍截擊諒可無虞臣所帶步隊無多且礮位又難轉運馬隊因地勢不能得力難以深入一俟瀟河清等步隊到楚即將馬隊撤至豫境以防北路再據色爾固善張曜等稟報三月二十七日緊躡後股髮逆於泉山地方追及擊斃二百餘名生擒賊目林湧桂等七名長髮賊百餘名其逃至北山頂一股三百餘名悉數誅戮餘匪翻山敗遁二十八日復於老鶴河遇另股髮逆經色爾固善張曜等渡河衝殺該逆大敗我軍乘勝追殺二三百名生擒賊目數十名該逆見分兩股敗竄我軍惟有由北向南沿山搜剿以期淨絕根株至

蘇克全等於四月初一日由唐縣向東北一路跟追竄匪未悉何  
股俟續接稟報再行馳奏官文奏髮逆由河南浙川內鄧句結捻  
逆號稱數十萬分股闖入楚疆見在襄樊以下處處喫緊聚隨鍾  
京營次撲城雖經我兵擊退猶在各處裏脅擄掠隨州德安均與  
豫境毗連下游麻羅蘄黃又可直達皖北而孝感小河司一帶尤  
爲武漢門戶該逆又分股竄至安陸府城並在襄河沙洋對岸日  
日多寶灣等處滋擾希圖擄船爭渡雖屢經礮船擊敗而湖北祇  
此兵力委捻股數愈分愈多我軍派撥愈分愈少防剿益形不足  
相應請旨飭下多隆阿速飭姜玉順等將派令赴楚之兵勇四千  
名再由多隆阿添派馬隊五百名星夜兼程來鄂會合楚軍實力  
堵勦儻賊由陸路東趨並可爲皖北一路追勦援應之師一舉兩  
有裨益 上諭議政王軍機大臣等僧格林沁以東隨一帶地勢

狹窄馬隊難以施展請飛調蕭河清孟宗福等所帶之四千人迅速赴楚此項步隊屢經飭令多隆阿等撥赴豫省軍營交僧格林沁調遣何以至今尙未啟程實屬不知緩急著多隆阿穆圖善劉蓉迅卽懔遵前旨將馬步各隊照數調派飭蕭河清等改赴楚省交官文調遣官文俟此項步隊到後飭令與楊朝林之軍追擊各股逆匪以資得力其常興阿等馬隊仍歸僧格林沁調度儻該逆被勦回竄一至平闊地方該親王當扼要豫爲布置迎頭截擊爲一鼓聚殲之計金陵已成孤注旦夕可克該逆眾如向英霍一帶奔竄曾國藩喬松年自當遵奉前旨嚴密防勦誠恐皖南軍事方殷晚北兵力不厚急切難以分撥僧格林沁仍當妥籌截勦並催調陳國瑞一軍駐紮臨淮一帶以備緩急之用總不可令該匪東趨得遂其回救金陵之計張曜此次追斬各逆亦頗奮勇張之萬

務當飭令該總兵實力搜捕不得恃有僧格林沁大兵稍耽安逸豫省無賊地方當嚴飭文武各員督同紳團協力守禦毋令敗匪再行闖入張總愚近往何處蘇克金由唐縣等處追剿之匪係屬何股曾否得手著僧格林沁查明馳奏髮捻各逆由棗入隨經楊朝林督隊追擊連獲大勝該逆由鍾祥縣屬之洋梓地方分股撲城經梁洪勝等水陸堵截該匪竄舊口鎮及馬梁內湖等處亦經張啟基等設伏敗之見在隨棗鍾京賊氛徧地武漢戒嚴官文見飭石清吉移禁楊店成大吉馬步十二營移禁灘口分禁湏口楊朝林俟後路稍定由鍾祥水路下駛會合江長貴節節進攻又將舒保馬隊分布於孝感之楊店等處先顧省垣兼扼東趨皖省之路孝感黃陂水路各分撥礮船扼防布置已極周妥著卽督飭派出各軍認真勦辦並卽督帶親兵泝流而上先保襄河水面俟安

陸京天等處掃蕩卽由陸路往雲孝德安一路督勦其慎固封守  
以紓朝廷南顧之憂省城防守事宜著嚴樹森妥籌辦理毋稍大  
意所調之姜玉順等楚勇四千名著多隆阿穆圖善迅卽催令啟  
程前撥常星阿等馬隊迅催前赴僧格林沁軍營到營後應如何  
分撥湖北交官文調遣卽由僧格林沁妥籌辦理李雲麟所勦蔡  
逆蜀河一股曾否殄滅近日軍情何以未據奏報陝南藍曹餘孽  
如犯興安或圖回蜀李雲麟當認眞勦洗不得觀望粉飾致誤事  
機劉蓉曾否出省商雒潼關一帶防剿情形若何多隆阿病勢曾  
否輕減均著劉蓉卽行具奏以慰馳塵將此由六百里各諭令知  
之○諭雷正綰奏官軍攻毀平涼鎮原兩處賊巢擊退援賊進逼  
平涼一摺平涼之四十里鋪及鎮原屬之新城兩處賊巢均被官  
軍平毀悍賊木仲沅訥三亦俱斬於陣賊膽已寒亟應乘匪眾惶

性之際進逼平涼郡城陶茂林畱勇駐繁華亭以顧後路自率八營前來會剿卽著雷正綰督同陶茂林奇正兼施迅將平涼郡城剋期攻拔毋任久踞甯夏漢城被陷未復滿城被圍已久自應亟圖援救且官軍由甯靈進取則東北各匪皆有所顧忌不敢援應平涼而雷正綰之師剿辦更易得手前因訥欽所帶兵勇未經戰陣恐難得手特派都興阿馳赴定邊接統其眾該將軍業已由京啟程而所部馬步各軍尙恐不敷調撥著多隆阿穆圖善恪遵疊次諭旨將前次畱省之馬隊五百名迅速撥赴定邊交都興阿統帶並著劉蓉酌撥楚勇數千前赴都興阿軍營聽候調遣以厚兵力熙麟見派遊擊羅元勳管帶楚勇一千名與趙延烺力圖援剿著卽嚴飭該遊擊認真整頓俾成勁旅雷正綰如已攻拔平涼卽移得勝之師迅赴甯靈一帶與都興阿兩路進攻庶各路逆氛不

難漸次撲滅將此由六百里各諭令知之○丁亥馮子材魁玉奏  
四月初八日鎮軍克復丹陽縣城業將大略先行馳報續據總兵  
張文德稟稱是日督同副將楊青山等攻破西門斬關而入逆首  
僞然王陳時泳卽僞英王叔僞來王賴桂芳冒死巷戰歸正頭目  
黃先知杜玉成等爭先響應會合官軍奮力鏖戰陳時泳被創倒  
地立梟其首杜玉成等亦將賴桂芳擒縛並陣斬僞廣王李愷瞬  
僞烈王金友瞬僞梁王凌郭鈞僞鄒王周林保等大小頭目百餘  
名餘眾乞降查賴逆係逆賊洪秀全妻弟久著兇頑罪大惡極立  
卽凌遲處死與陳時首級一併竿示其東南一帶敗匪冒雨潰竄  
經副將林從太等追剿自丹陽延陵以至金壇境內之西洋句壇  
交界境內之大茅山一帶沿途斬馘實有六七千名淹溺無算臣  
馮子材初九日親往丹陽慰勞將士安撫降人查點難民分起資

遣其一時未能回籍者權宜安插設法遣散城內防守事宜揚軍  
屯紮東北鎮軍屯紮西南擬俟部署略定查照督臣曾國藩前咨  
由富明阿派兵專駐一面撥隊移防金壇此時常鎮各屬一律肅  
清金陵益成孤注東南指日可平臣等尤不敢不慎之又慎見督  
飭將士搜捕殘孽扼要防守未敢稍形鬆勁 上諭議政王軍機

大臣等丹陽既克逆首亦除金陵自成孤立之勢不難合力攻克  
惟竄匪必須搜捕淨盡殘賊必須加意安輯該提督等卽飭在事  
文武妥爲籌辦以靖地方馮子材見擬撥隊移防金壇以揚軍專  
守丹陽惟江北空虛楚豫賊匪仍思東竄皖境以救金陵前據李  
鴻章奏俟丹陽克復後即可派撥所部進紮東壩二溧一帶見在  
常州丹陽均已克復李鴻章所部兵力有餘前所派由溧陽進紮  
南渡之周盛波等軍及助攻丹陽之劉銘傅郭松林等軍除派赴

金陵皖南等處助剿外其餘卽著酌量調赴東壩二溧駐紮以固江蘇門戶鮑超一軍卽可騰出趕赴江西丹陽一城卽著馮子材魁玉派兵就近駐守其富明阿所統江北之軍卽可調回揚防以備截剿楚豫東竄之賊以上布置情形是否妥善著富明阿李鴻章馮子材魁玉通籌大局安爲辦理一面迅速奏聞將此由六百里各諭令知之○諭穆圖善奏遣軍迎剿南山竄匪一摺覽所奏情形於疊次寄諭聲覆殊未明晰前因陝省回匪肅清楚豫軍務緊急疊諭多隆阿等調派姜玉順等帶勇四千赴鄂蕭河清等帶勇四千並常星阿等督帶馬隊前赴豫省軍營歸僧格林沁調遣多隆阿傷病未痊穆圖善署理關防自應將遵旨調派情形星速馳奏本日據穆圖善奏稱屢奉寄諭深以陝省餘孽未清仰勞聖慮見派姜玉順統帶十營由鄆縣澇峪口進剿曹背時股匪等語

而於屢次催調馳赴鄂豫馬步各軍諭旨竟無一字提及實屬不知緩急見在陝南髮逆句合捻股竄擾鄂境隨棗鍾京賊氛徧地其滋擾陝省者僅曹藍兩逆耳藍二順一股前已責成李雲麟趕緊撲滅至曹背時一股劉蓉責無旁貸且部勇甚多自應嚴飭肅慶高等認眞勦洗俾姜玉順一軍剋期赴楚方是正辦乃於派兵援鄂一事劉蓉等竟漠不關心殊不可解該撫身受厚恩務當力顧大局以副委任卽著督飭各軍迅將盤踞兩青一帶之曹逆悉數殲除毋再遷延于咎李雲麟亦當懔遵前旨將蜀河等處逆股殄滅淨盡昨據僧格林沁奏俟肅河清等步隊到楚始可將馬隊撤至豫境以防北路是楚省需兵甚爲緊要著穆圖善商同劉蓉速飭姜玉順肅河清等督帶步隊遵照昨日寄諭趕緊赴楚歸官文調遣常星阿督帶馬隊速赴僧格林沁軍營以資攻勦東治兩

營據穆圖善奏見派總兵陳天佑接統其軍並咨商德興阿將所部馬隊兩起交副都統西蒙克西克統帶馳赴訥欽軍營助勦等語此項馬隊是否係多隆阿軍營畱防西安之兵抑係德興阿部曲兩起其幾百名聲敘亦未明晰均著迅速奏聞訥欽所部見歸都興阿統帶將來陳天佑西蒙克西克到定邊後卽歸都興阿相機調度都興阿接奉此旨卽著星馳前進以資統攝多隆阿所統馬隊一千五百名前已照數分撥僧格林沁及定邊軍營此外步隊除撥給姜玉順瀋河清等八千名帶赴鄂省外見存陝省者尙有若干如果調撥若干將陝省邊防妥爲布置仍一面迅速奏聞將此由兵勇勦若干將陝省邊防妥爲布置仍一面迅速奏聞將此由六百里各諭令知之○以宜振爲工部右侍郎候補○戊子諭議政王軍機大臣等劉蓉奏追勦曹逆疊破寨壘一摺曹逆時股匪

竄踞大莊坪等處經蕭慶高黃鼎等督軍先後攻克其文公梁八  
里坪曹逆老巢亦經黃鼎等約期進攻將各賊營焚毀連踏賊營  
六座並將曹逆牙傷勦辦尙屬得手惟曹逆雖經受傷仍行逃竄  
非跟蹤追勦迅速殲擒恐致復行滋蔓劉蓉務宜督飭將士乘該  
匪窮蹙之時盡力窮追毋令漏網見在曹逆敗殘之餘劉蓉所部  
兵勇已數勦辦鄂省隨棗鍾京一帶賊氛徧地前經諭令穆圖善  
劉蓉將派赴豫省之蕭河清孟宗福等所帶楚勇四千人改派赴  
楚與原派赴楚之姜玉順等所帶四千人一併前往交官文調遣  
其常星阿馬隊仍派赴僧格林沁軍營著卽懔遵前旨迅飭蕭河  
清姜玉順常星阿等軍剋期啟程毋稍延緩鄂省賊勢甚重專盼  
前項派撥助勦之兵穆圖善等何以置若罔聞於奉到諭旨後尙  
未見有覆奏儻因調派遲延緩不及事致令楚疆有失必惟穆圖

善劉蓉是問多隆阿病勢若何劉蓉何日出省卽遵前旨迅速奏聞將此由六百里各諭令知之○己丑曾國藩奏據提督李世忠稟稱去臘傷病復發滿擬早日就痊藉圖報效詎當春令病益增劇舊傷亦發卽欲遵照赴任實恐墮越貽羞且親柩至今未葬見擬俟各城交出兵勇遣撤後扶柩回里安葬並調治傷病呈請開缺續據稟稱日前陰雨過久所發餉鹽未克歸售各兵勇川資不敷尚未散盡惟全椒天長五河等城已於三月二十及二十四等日一併退出來安一城亦定於四月初二日退出俟鹽價銀到卽將各弁勇飭催啟程所有滁州六合兩城初五六等日均可撤退萬不敢再有遲誤各等語查李世忠所設之卡所守之城業經退出歸官均須派兵替防見在無可調撥已咨請吳棠派兵防守滁州兼顧來安並咨請富明阿派兵防守六合而陳自明挑畱之二

千人則調赴南岸之池州駐禁遠離故土俾游勇之逗留滁屬者不得假託李世忠舊部之名滋生事端至該提督李世忠屢著戰功捍衛江北上年又助平苗黨茲以江淮軍務大定潔身引退合無仰懇 皇上天恩准予開缺回籍所遺江南提督一缺並懇迅賜簡放以重職守 上諭內閣江南提督李世忠自任事以來屢著戰功上年春間髮逆沿江上竄該提督力保滁州全椒天長六合等城逆不得逞官軍乘勝克復浦口江浦九洑洲江北得以肅清迨苗逆復叛該提督慷慨誓師親統所部赴淮助平巨憝此時江淮軍務大定復能將所部弁勇發貲遣散並願廣散貲財捐助軍餉實屬深明大義誠悃可嘉該提督見因傷病舉發親柩未葬懇請開缺回籍若不允其所請無以恤勤勞而慰孝思李世忠著准其開缺回籍○曾國藩奏僞聽王陳炳汝僞侍王李侍賢各旨

由浙境先後犯徽業經附陳大概情形查杭州餘杭既克賊首陳炳汶汪海洋等分道出竄畢萃於徽郡之東南毛有銘率所部八營自休甯至郡商之唐義訓出城迎勦三月十三日唐義訓由郡南毛有銘出郡東乃東軍隊伍未整猝然賊至前軍既挫後軍旋亂毛有銘遂率眾退入郡城唐義訓在南路之方村迎戰聞東軍失利亦卽撤隊回城而賊已由吳山鋪分擾桂林又繞出藍田等處自東而北直撲城垣郡中大震唐義訓毛有銘督軍出城擊退並徧搜碣田槐塘棠越唐模各村落斬馘頗眾賊乃由巖市入屯溪圍撲該處營壘防守屯溪之羊寅洪良輝竭力堅守一晝夜適毛有銘於夜半向屯溪疾進又有汊口三營前來助戰該逆不暇蓐食棄金撤圍多向龍灣上溪口竄去毛有銘卽築營駐師屯溪十六日唐義訓率隊至齊武遇賊薄有擒斬俄聞侍逆分股繞竄

嚴市以西而親率死黨出深渡過河唐義訓乃令王品高等畱駐朱村而自帶親兵及葛清泰一營駐禁篁墩謀與毛有銘會師禦賊十七日朱村各營侵曉出隊行次楊村詎深渡之賊已大至我軍初尙得手迨裹入重圍傷亡甚多時毛有銘適在屯溪上游途次聞警卽飭各營分三路飛援毛有銘自外攻入唐義訓自內衝出賊始披靡我軍追過十里山坳中忽遇賊伏遂爲所乘將士損折棄械爭渡幾不能軍毛有銘唐義訓回郡賊已連宵西上直逼休甯自是歙休境內無地非賊亦無路不梗布長圍以困我郡城而郡東之接踵而來者仍復絡繹於道十八十九兩日唐義訓擊退薄城之賊並獲小捷休甯守將劉長春等亦於十九二十等日截賊於溪邊村等處賊知兩城守禦尙固乃由龍灣浙嶺分竄婺源境內以達江西之德興延及玉山勢甚猖獗此次毛有銘唐義

訓堵勦不力咎無可辭相應請旨將署皖南鎮總兵唐義訓革職仍畱署任道員毛有銘革去勇號拔去花翎以知府降補仍畱營

差委以觀後效

臣調度無方並請旨交部嚴加議處又奏近日金

陵一軍在朝陽神策金川等門外開空地道數處賊於附城一帶

築月圍以拒之三月二十三二十五六等日攻破月圍焚其火藥

殲斃極眾當此之時除嚴圍猛攻力禁接濟更無他法賊之由婺

源境內闖入江西者一聚德興一撲玉山又將延擾腹地臣前調

鮑超率師西援縱使李鴻章派兵替守句容東壩鮑超之軍亦難

速到實恐緩不濟急因派周寬世駐省七營金國琛馬步九營先

從饒州一路進拔江西未知果否有裨鮑超於尙未援江之際屬

令會同鎮揚兩軍力攻上游髮捻巨股已竄過隨州棗陽將及黃

德二郡意在假道鄂皖東援金陵前奉諭旨飭於彭玉麟楊岳斌

二人中派一人統率鄂軍見接官文來咨鄂省江面防勦有李濟  
清萬化林等師船足敷分布請於彭玉麟楊岳斌二人中商派一  
人布置九江以下臣卽商請彭玉麟率師上駛已於四月初九日  
過安慶初十日由安慶馳赴九江防勦北岸鄂皖江面兼顧南岸  
鄱湖都昌一帶自徽軍失利後臣慮婺源樂平饒州景鎮或致淪  
陷不意均得保全且聞竄江之賊因糧食不繼號令不一紛紛逃  
散仰託 聖主威福此股或不足深慮惟皖北陸路僅潁州六安  
廬州巢縣等處置有防兵其餘潛太英霍桐舒等縣皆係當年髮  
捻往來熟徑防守無兵空虛可慮臣惟有力疾調度勉擯危局又  
奏查鮑超一軍既取句容遂平寶堰五壘卽乘勝直逼金壠城下  
並豫飭周有勝曹志忠等四營伏於茅山之左而以黃海清等騎  
隊佐之令唐仁廉李文益等四營伏於茅山之右而以婁雲慶等

騎隊佐之金壇逆酋率賊二萬出撲我軍佯退俟賊追過茅山正向田隴村落閒遷迤而進鮑超揮令張玉田等突由中路槍礮齊發賊亦以洋槍小隊鑿擁來迎張遇春衝入賊隊賊眾披靡鮑超催動號鼓伏兵四起截斷歸路該逆張皇失措棄械滿道我軍追殺五十餘里逼至金壇西門敗賊不敢進城而城賊亦啟南門向三仙關遁走卽於二十日收復縣城上諭議政王軍機大臣等浙省賊股上犯徽郡毛有銘等軍旣經挫折歇休境內無地非賊是該處軍情正當喫緊之時旣南兵力尙單前諭左宗棠籌撥蔣益澧各軍馳援徽境著卽酌量情形多撥勁旅前往與該處防軍聯絡夾攻務將該逆速行剿洗並飭令黃少春劉清亮兩軍嚴扼遂安要隘以防湖賊續竄徽境飭令王開琳等截賊婺源德興之交毋令南竄嚴州西竄饒郡曾國藩慮鮑超馳援江西不能速到

見派周寬世七營金國琛九營先從饒州一路往援著卽飭令迅速前往力籌堵勦並著沈葆楨飭令在防將士與周寬世等軍嚴密布置互相援應此時竄江之賊糧食不繼號令不一多有紛紛逃散者劉典王文瑞各軍陸續到後聲勢更壯諒已足敷勦辦髮捻竄近隨棗黃德曾國藩已派彭玉麟統率師船上赴九江防勦北岸鄂皖江面兼顧南岸鄱湖都昌一帶江路當可無虞惟皖北路僅潁六廬巢等處置有防兵其餘潛太英霍桐舒等縣皆空虛無兵深慮楚豫境內髮捻大股乘隙東竄鮑超一軍自攻克金壇後該處敗匪及常州餘逆均爲駐防溧陽之吳毓芬等截勦於南渡全股殄除見在常丹兩城已克東壩二溧已經李鴻章派兵扼守鮑超一軍自可騰出移援徽境或卽令渡江北防勦潛太英霍桐舒一帶著曾國藩酌量情形妥爲調度至皖北潁亳廬壽等

處與豫楚邊境甚近防兵空虛喬松年身膺疆寄責無旁貸如何  
撥兵防守各城如何堵禦髮捻之處惟當力籌布置不准觀望推  
諉曾國藩仍當隨時兼顧以期互相策應前經諭令僧格林沁將  
陳國瑞一軍調赴皖北爲截剿髮捻東竄之備本日據曾國藩奏  
皖北空虛可慮自應卽以此軍移紮截剿著僧格林沁相機酌度  
迅卽檄令扼要駐紮如果髮捻竄近皖疆即可令其截擊此外或  
另有勁旅可以扼要駐紮備豫緩急之處著僧格林沁曾國藩隨  
時會同籌商辦理淮徐一帶卽著吳棠豫籌布置撥兵駐守並與  
臨淮各軍聯絡聲勢毋稍大意天長六合一帶卽著富明阿將援  
剿鎮江之揚營兵勇撤回移紮該處嚴密堵遏仍著曾國藩與富  
明阿吳棠喬松年互相援應至髮捻大股見在虜聚於隨棗鍾京  
等處鄂省兵力尙敷堵剿官文嚴樹森總當嚴督諸軍將該逆就

地殄盡萬不可令其竄入皖境金陵官軍攻破朝陽等門月圍殲賊甚眾正當乘該匪窮蹙之時力籌攻拔並著李鴻章將丹陽常郡餘匪搜捕淨絕分布諸軍嚴扼要路以防金陵逆股外竄值此功在垂成各路將帥及封疆大吏俱宜振刷精神統籌兼顧以期及早蕆功曾國藩聲稱戶部覆奏摺內所稱湖北等省協濟月餉等款爲數甚鉅實則所得極少等語本日已交戶部覈辦矣所請將楊岳斌蕭慶衍蔣凝學毛有銘梁美材諸軍仍由鄂省照舊供支於六成之外酌添一二成之處著官文嚴樹森速籌發給其普承堯何紹彩兩軍著卽交喬松年調遣餉項卽由臨淮糧臺支撥報銷李世忠旣經散財遣眾交出城卡心迹已明其赴安慶謁見遲早之處卽可聽其自便李世忠交還之五河六合滁全天來各城著曾國藩吳棠喬松年將善後事宜妥爲經理孫家泰一案著

俟喬松年會同曾國藩具奏時再降諭旨將此由六百里各諭令  
知之○予江南陣亡參將鮑昌齡安徽參將金茂榮等祭葬世職  
○庚寅諭內閣欽差大臣西安將軍多隆阿前在湖北帶兵剿賊  
曆著戰功同治元年率師赴皖攻拔廬州匪首陳玉城敗竄被擒  
伏法旋由湖北督師入陝授爲欽差大臣將同朝一帶回匪巢穴  
悉數削平先後攻克城寨十數處並分兵解鳳翔之圍俾陝省回  
匪一律肅清厥功尤偉嗣因藍逆占踞盩厔縣城屢攻不下該將  
軍忠勇奮發躬親督戰力拔堅城頭面致受槍傷節經賞給內府  
如意拔毒散及人蔘等件交該將軍祇領方冀醫治就痊長資倚  
畀茲遞因傷出缺拔覽遺章實深悼惜多隆阿著加恩追贈太子  
太保照將軍陣亡例從優賜卹賞給一等輕車都尉世職任內一  
切處分悉予開復應得卹典該衙門察例具奏並准入祀京師昭

忠祠其曾經立功省分著各該督撫查明建立專祠賞銀一千兩  
經理喪事由陝西藩庫給發其靈柩回旗時著沿途地方官妥爲  
照料伊子孫幾人著黑龍江將軍查明俟百日孝滿後由該旗帶  
領引見以示篤念忠靈至意尋子祭葬謚忠勇○諭議政王軍機  
大臣等穆圖善奏陝西省軍務漸就肅清全軍遵旨馳援楚豫並曹  
克忠一軍攻克馬鹿鎮等處賊巢各摺片曹背時一股經提督姜  
玉順殲除殆盡曹逆亦在誅數穆圖善見檄姜玉順先行統帶九  
營由南山拔隊援應楚省飭藍斯明肅河清各率所部赴豫自尙  
未接到本月十六日令肅河清等改赴楚省之諭著凜遵前旨令  
肅河清姜玉順所帶步隊八千人一併馳援楚省多隆阿部下馬  
隊除酌畱撥給都興阿外其餘悉令常星阿等統帶仍赴僧格林  
沁軍營僧格林沁見駐隨州俟西省馬步到齊應如何分撥策應

並派防豫省東北兩路之處均著妥爲籌畫穆圖善欲親督馬隊  
出關分剿奮勇可嘉該將軍卽妥爲部署親率各營赴楚並須激  
勵各軍認真出力陝西未盡事宜移交劉蓉辦理多隆阿欽差大  
臣關防著劉蓉派員齋赴京師恭繳官文於陝西兵勇到後兵力  
益足務當妥籌分布將楚境賊氛節節埽蕩毋留餘孽嚴樹森仍  
慎固省防不可稍涉大意劉蓉已派英毅六營赴襄樊此軍何日  
到楚亦可歸官文調遣見在陝西地方雖可漸次肅清而統帥傷  
亡兵勇分散誠恐甘省逆回及本境餘匪從而生心再圖滋事不  
可不豫爲之防劉蓉所部之湘果十四營見屯漢郡著分飭帶兵  
各員將各路餘匪搜捕淨盡俟甘省回匪剿辦得手不至復行回  
竄再議一律撤還回蜀潼商等處防守緊要著劉蓉選派得力兵  
將分投駐禁以便藍斯明蘇河清啟程赴楚澇峪口匪蹤是否淨

絕曹背時是否伏誅該撫何日出省調度並著迅速奏聞曹克忠  
已將馬鹿鎮等處賊巢剿洗著飭令仍行回駐龍境如省城附近  
需兵彈壓卽調回駐繁盤厓一帶以資控制都興阿統兵日久持  
重老成見帶重兵赴定邊一帶本日已令督辦甘肅軍務著卽趨  
程前進與雷正綰會商妥辦以期節節而清雷正綰自陝入甘屢  
獲奇捷勞勤卓著見在圍攻平涼諒可卽日得手著卽督率將弁  
迅速圖功甘省匪勢尙熾該提督一軍恐尙單薄是以添派都興  
阿辦理都興阿尙不能卽日到甘俟其到後或在一處會商或議  
分投辦理均須和衷共濟以紓朝廷西顧之憂禁逆一股經劉蓉  
派令湘果各營會商李雲麟擊勦間已敗竄鄆西著卽責令該京  
卿跟蹤躡勦不得稍畱遺孽貽患鄰封若縱令與楚豫各匪合股  
定惟李雲麟是問將此由六百里各諭令知之○命西安將軍都

興阿督辦甘省軍務署固原提督雷正綰幫辦軍務○辛卯諭內閣順天府府尹卞寶第奏董恂被參一案請添派大臣會同查覆一摺著添派倭仁會同卞寶第據實查覆毋稍徇隱尋奏逐細查訪董恂並無向各屬月索薪米確據得旨王拯所奏著毋庸議○論議政王軍機大臣等戶部奏豫籌江南財賦以紓國課一摺據稱東南地利素饒自遭兵燹一切應辦事宜均未舉行見在皖北肅清江蘇境內亦將剋期底定亟宜釐定成規以爲長治久安之計查釐捐一款有礙正賦應請將從前糧捐畝捐草捐花布捐等項槩行禁止至正賦錢糧除蠲緩外務令認真收納年清年款至灘地沙洲二事爲利甚溥懇請飭下督撫大吏遴員馳往查勘妥辦以盡地利各等語所奏係爲興利除弊起見自應先事籌畫以爲善後地步著曾國藩李鴻章按照該部所奏各節確切查明實

力興辦以蘇民困而裕國計原摺著鈔給閱看將此諭令知之○  
壬辰諭內閣前因畢道遠等呈奏山東已革知府吳載勳等廝辦  
淄川逆匪恆怯通賊各情疊經降旨交譚廷襄查辦茲據閻敬銘  
奏查明各該員被參各款並將親供呈覽請旨辦理一摺山東已  
革候補知府吳載勳前署濟南府任內於淄川逆匪劉德培起事  
之初親往查辦因未帶兵勇回省請兵劉德培已踞城作亂該革  
員到淄後屢次督隊攻襲尙無恆怯乖謬及通賊情事吳載勳前  
經譚廷襄以該革員耽延貽誤業經奏參革職著毋庸議前署淄  
川縣事候補知縣麟盛於劉德培率眾入城時因將卸事並未設  
法拏辦又不據實稟報實屬意存推諉著卽行革職以示懲儆道  
員陳顯彝督期淄川屢次攻襲尙有斬擒原參通賊各情亦無確  
據陳顯彝前經閻敬銘奏參勘令休致卽著毋庸置議已革遊擊

謝炳因勇丁索餉退隊不能約束於前又不能激勵於後實屬咎無可辭業經革職被參通賊之知縣李鳳韶業經被害著一併免其置議○諭議政王軍機大臣等富明阿奏追勦丹陽竄賊情形並統籌防剿一招官軍克復丹陽後追勦竄賊至珥村地方突有逆壘出賊四股迎拒均經我軍擊敗踏平賊壘卽著富明阿督飭將弁乘勝跟追務將丹陽餘匪搜殲淨盡悉數殄除楚豫撫匪竄擾隨州號稱十數萬眾圖援金陵意由江北繞道前進該將軍見將泰興防兵撤回並於南渡之兵抽回四千以防西路畱總兵楊心純守丹陽令詹啟綸統帶五千人暫紮丹邑以便馳助金陵卽著照所擬妥爲布置金陵逆援如犯江北萬一分兵不敷堵禦應如何抽撥勁旅遏賊分竄之處著富明阿妥籌辦理不可稍有疏虞致令掣動金陵全局丹陽降眾卽著妥爲遣散毋令滋生事端

將此由五百里諭令知之○沈葆楨奏髮逆續入江境頭股廣聚  
德興之海口曹門等處三月二十六日出撲小港樂平縣知縣孫  
鑑督勇嚴扼河岸紳團輔之內河水師助擊破斃多賊乃退二十  
八日悍賊分路撲營孫鑑等迎擊伏兵乘風縱火羣逆駭退三十  
日卯刻該逆繞從牛頭灘擇淺而渡孫鑑聞警馳至該逆半渡折  
回午刻該逆分十餘股林立河干我軍隔河槍礮互轟斃賊不少  
忽上流竹筏十餘飛駛而下礮船溯流奮擊盡奪其筏悍逆咸沒  
於水次日水陸各勇將賊浮橋折毀該逆以樂平猝不可渡乃分  
股趨向弋陽地界而海口等處之逆壘則仍盤踞如故其第二股  
由歙南趨華埠撲副將戴奉聘營道員王德榜派隊助守二十六  
日副將顧雲彩雕剿於七渡橋二十八日王德榜擊賊於七里街  
均有斬獲該逆屢聚於上玉交界之沙溪希圖南竄廣豐道員張

岳齡派隊擊之殺斃溺斃甚多該逆仍退沙溪北岸至南豐踞逆  
負嵎如故二十二日精捷營逼城築壘城中出悍賊萬餘撲之提  
督徐生德等悉力相持殺賊甚夥乃遁入城二十五日該逆出撲  
祥字營受創而退二十六日城逆傾巢出撲精殺營苦戰數時韓  
進春馳援分路痛勦賊見我軍無間可入乃潰入城是日竄建甯  
之僞王宗出窺廣昌犯尖峯隘欲爲南豐聲援知縣彭芝等督兵  
練擊之遁向石城甯化交界之分水坳而去席寶田恐韓進春勢  
單乃令祥字營衛民軍移紮兜港以通建昌爲可進可退地步仍  
以精殺韓字兩營畱南豐總兵江忠朝於四月初三日抵省初八  
日馳赴安仁所屬鄧家埠軍營接統軍事贛南道王文瑞已抵袁  
州派隊進剿永豐曾國藩來咨已檄提督鮑超援江左宗棠亦  
檄湘克等營跟蹤追勦副將劉明珍統安武軍四營已抵玉山惟

聞甯國等處後股賊匪絡繹而至援軍恐爲牽掣耳 上諭髮逆

續竄江西雖經官軍截勦樂平邊境業已肅清玉山亦已解圍而東路賊氛仍未殄滅至西路情形南豐踞逆負嵎如故竄建甯之僞王宗出窺廣昌經官軍擊敗遁向石城甯化交界之分水坳而去惟南豐堅城未拔則此次擊退之賊難保不復來窺犯見在江忠朝已抵安仁卽著沈葆楨飭令統率所部會同王沐一軍前赴弋陽貴溪一帶相機夾擊迅殄賊氛王文瑞已抵袁州派隊進扼永豐並著飭令該道員與席寶田韓進春等妥速進兵迅將南豐攻拔並將建昌一帶要隘力籌布置毋令賊蹤紛竄曾國藩慮龜超馳援江西不能速到見派周寬世七營金國琛九營先從饒州一帶往援著卽飭催迅速前往並著沈葆楨恪遵前旨督飭在防將士與周寬世等互相援應毋稍疏懈左宗棠所派副將劉明珍

安武軍四營已抵廣信卽著該督飭令劉明珍與王開琳一軍嚴扼要隘截賊續竄江西之路不得稍有疏虞將此由六百里各諭令知之○癸巳諭內閣官文參奏嚴樹森把持兵柄剛愎用事等語據稱嚴樹森自履任以來招募湘勇馬步水師五十餘營號衣旗幟均用撫標名目各營官俱發給撫標鈐記調度文檄用巡撫關防或自主稟而會總督之銜或徑自札行此次官文出省後該撫輒將黃波當衝兩營調回省城並將官文派赴上游之水師總兵李濟清兩營阻止不令遠移復代官文札調曾紹霖破船八隻隨營上駛其沈俊德等楚省舊營亦皆改隸撫標調遣等情各省巡撫如與總督同城遇有緊要公事均須與總督會商巡撫豈可任意專擅若遇總督統兵出省則一應調度機宜設非事機迫不及待卽當會商統帥以期事權歸一俾將士有所稟承至督標撫

標兵數均有定制豈可率意移改楚勇亦係總督巡撫公其之勇  
豈得率書撫標字樣乃嚴樹森招募湘勇五十營俱令隸歸撫標  
鈐記等項均用撫標名目文札多不與官文會商意在把持兵柄  
其於官文帶兵出省後又復任意檄調各營互相易置並將楚省  
舊營一併改隸撫標似此爭權競勢實屬任意妄爲見在髮捻大  
股各匪竄擾湖北正當勦辦喫緊之時官文以欽差大臣督兵進  
駐漢川所有各營將士均應歸該督節制庶號令不致紛歧若如  
嚴樹森之種種牽掣率意更張必致貽誤大局該撫前在河南時  
坐擁重兵株守汴梁於省城以外各郡縣任聽髮捻各匪焚掠一  
籌莫展不敢出省垣一步其餘省城防守事宜亦復措置乖方疊  
經御史劉毓楠以剿匪未善侍郎毛昶熙以膽怯見偏量狹性懷  
據情參奏比調任湖北巡撫時又經御史陳廷經以性情剛慢人

地不宜陳奏朝廷因嚴樹森於軍務雖非所長而操守尚好於吏治亦能講求未經卽予撤任並經諄諄訓誠冀其湔濯自新乃竟怙過不悛挾私妄作深負委任嚴樹森著以道員降補以示薄懲  
○左宗棠奏三月二十五日湖郡首逆偽佑王李遠繼率悍黨水陸數萬由菁山下施村等處直逼埭頭鎮高連陞王月亮營壘高連陞等督各營擊之鏖戰竟日斃悍賊數百名晚間該逆復列炬齊隊撲營高連陞等飭各營堅壁不出潛派槍礮隊蹲伏壘旁俟賊撲近排轟之至亥刻賊始敗竄官軍逐之逆賊自相踩藉殲斃無算是日偽列王劉得蟻等率賊萬餘由張村山將鈔埭頭鎮高連陞營壘之後距武康縣城二十五里楊昌濬督兩營自武康縣城潛出截之陣斬劉得蟻羣賊駭遁該逆經此挫敗其膽始喪菁山和平鎮妙喜鎮各賊均向湖郡附城西南一帶退去其竄徽之

賊經王開琳於三月十七日在歙南小川截剿獲勝後該逆遁回  
楊村屯聚徽軍是日失利黃少春王開琳各營於十九日由小川  
前進抵黃背村遇賊於余岸敬興地方殲其先鋒數十名二十日  
王開琳派隊分路進攻自率親兵隨後接應已刻齊抵楊村羣賊  
鑿擁而出各營奮威衝殺立斃悍賊多名王開琳復自楊村山後  
繞出陣前立將上下楊村之賊埽除淨盡敗匪向篁墩鳴水而逃  
溺斃頗多是日斃賊約三四千人大小賊目以百計生擒六七百  
名而屯溪倅獲保全追過屯溪鎮時張福齊等見有賊數百在休  
甯南界之龍安一帶正欲覓路逃竄張福齊派弁持令傳呼投誠  
免死賊目楊海芳等率其黨七百餘人乞降詢知爲李侍賢之黨  
挑其壯健者二百餘名分置各旗餘皆給賞遣散是夜接遂安探  
報賊由白際嶺竄出前隊已抵小洞直趨馬金街先經黃少春派

赴馬金之黃元吉張介和等營在姚村築壘甫定賊卽大至更番  
猛撲經一晝夜黃元吉等竭力固守二十二日黃少春等馬步各  
營由淳安冒雨馳抵昏口途遇魏喻義約其同援馬金適王開琳  
所調之參將王福昌亦至各軍繞至霞山馬金之間賊悉銳來撲  
官軍分路擊之重圍立解魏喻義所部從右路攻霞山賊巢銳進  
遇伏弁勇傷亡者百餘名是夜賊於馬金街對河連築三壘黃少  
春乘其甫成挑勇丁夤夜亮水破之二十三日該逆率銳來撲我  
軍分兩路鈔擊斃賊多名二十四日賊分起竄走一出星口一出  
華埠二十五日猛撲副將戴奉聘等華埠營盤適道員王德榜派  
兵由玉山馳來助剿議堅壁以待是夜該逆大隊趨至圍撲兩晝  
夜均經戴奉聘等擊卻二十七日辰刻賊向西路竄走戴奉聘等  
躡蹤追擊斬殿後賊百餘名仍分路追之時劉明珍等四營已抵

衡州署衡州鎮總兵劉培元卽飭其由常山草坪關出剿二十八  
日劉明珍甫出屏風關卽遇賊前隊斃先鋒悍賊數十名賊卽敗  
退二十九日追至古城斃賊數百名逐北至玉山城河溺斃不少  
拔出難民數千時王德榜已擊敗三里街七里街等處之賊生擒  
僞朝將胡得才斬之是日由玉山城西北鳳凰山出隊亦斬悍賊  
百餘玉山圍解三十日卯刻劉明珍王德榜兩軍分三路齊抵賊  
巢賊亦分支拒敵王德榜等督所部衝賊數段賊勢不支紛向浮  
橋逃竄官軍馬隊追及橋忽中斷賊之墮河死者無數是夜賊竄  
沙溪距廣信府城五十里四月初一日劉明珍等拔隊急追已刻  
到沙溪王德榜已由南岸前進邁北岸有賊擣船過渡將襲其後  
遊擊賴長等分隊下流扼之劉明珍帶隊從上游奮擊賊中槍落  
水者甚多其從沙溪衝出匪徒劉明珍擊卻之斃賊百餘名而還

是日王德榜已馳抵廣信府城戴奉聘所部三營亦可繼至賊之城當可無慮臣前以入江西之軍不滿六千恐眾寡不敵飛令提

督劉清亮帶所部接防馬金令王開琳帶所部急進玉山以壯後路聲勢劉清亮行至華埠聞賊已至玉山擬卽赴江西會期臣以

兩軍人數相當應畱一軍駐華埠以防由常州續至之賊劉清亮既先到華埠應卽令其先往而畱王開琳暫駐華埠以期慎密大約劉清亮一軍初三日可到玉山初四日可抵沙溪自浙軍在昌化將賊擊敗後沿途截殺大小十餘戰斃賊萬餘拔出難民二萬餘此股爲陳炳汶汪海洋及偽利王偽戴王偽來王諸逆其中亦有李侍賢之黨人數號稱十數萬其李侍賢一大股已由歙休地界竄婺源入江西未嘗闖入浙境其由常州竄來之偽然王林彩

新一股人數約二三萬四月初二日至昌化之白牛橋康國器由分水縣麻車埠過河擊之賊卽潰走皆由甯國縣竄去中途逃散者多大約亦將由績歙覓路而竄江西臣已飭黃少春嚴備以待聞後股賊眾尙有數起故滬遂未可解嚴臣當豫爲布置隨時相機辦理又奏江西擊敗前起竄賊收復新城縣城後餘賊悉趨閩界三月十四日竄陷邵武府屬之建甯縣城旋報克復而將樂縣地方忽有賊蹤關入是延平軍情喫緊漸有蔓延腹地之虞臬司張運蘭一軍尙無入閩消息閩省兵事冗雜無章萬無可恃見臺灣大局肅清林文察旣署陸路提督防勦閩省上游是其專責臣與撫臣徐宗幹已飛咨調其內渡恐到任尙需時日臣於道員康國器截剿常州竄賊獲勝後調其由昌化回營取道嚴衢入浦城達閩已報啟程此軍勇丁多籍隸潮嘉於閩省邵汀一帶地勢尙

熟近來頻加訓約漸就範圍杭餘克復後汰存二千餘名均尙精壯以之入閩可期得力如粵東能令張運蘭由潮州入閩則粵軍南來閩軍北往可收夾擊之效於粵閩大局均有裨益又奏此次大股逆賊分竄江西東南垂成之局爲之一變而湖城尙堅持未下常州丹陽諸逆如林彩新等股又由東壩溧陽交界各處源源而來頃據楊昌濬等稟報長興四安境上續來常州丹陽巨股人數甚眾揣度賊勢蓋以湖城堅拒浙軍俾諸逆得從容由廣德甯國績溪以分竄徽境也黃少春一軍甫於四月初八日進歙南一帶迎剿林彩新一股尙未接據續報王德榜劉清亮劉明珍等三軍已追賊入江西廣信玉山一帶康國器一軍又將拔隊入閩統計浙軍及新附之眾水陸馬步不滿五萬而分攻湖州分赴江西福建截剿竄賊分防各城隘或數百里或千餘里勢遠力分深爲

可慮臣竊謂巨股竄江西實爲腹心大患此時亟著在以全力專注江西江西如有重兵截勦賊不能復犯皖南以赴金陵則金陵久困孤城亦必不攻自破臣前飭署臬司劉典在籍募勇三千速赴江西爲救敗之著其時賊之得竄江西者人數尙不爲多今則大股畢入江西而常州丹陽之賊又復源源而至劉典新募之軍祇三千人眾寡懸絕且入江各軍無大員統率調度亦恐難期用命再四思維福建水師提督楊岳斌膽智超羣秉性忠直爲眾情所翕服與曾國藩胡林翼其事最久口不言功僅令專帶水師實未足展其素蘊兒在金陵水師將領尙不乏才楊岳斌在彼非萬不可少之人如蒙皇上天恩委以重寄令其督辦江西皖南軍務而以劉典爲其幫辦則江西之勢重而皖南可以圖存卽浙江得所庇賴江西各軍及皖浙諸軍之入江者亦有所統攝於大局

不爲無補

上諭議政王軍機大臣等髮逆羣竄江西雖經江浙

兩省官軍會合防勦惟南豐踞賊負嵎如故上饒玉山一帶亦未

肅清而李侍賢一大股已由歙休地界竄入江西其由常州丹陽

竄出之林彩新矮崽陳等股亦將由長興泗安一帶取道績歙圖

竄江西若不迅圖埽蕩該逆竄聚一方裹脅日眾必仍狡焉思啟

圖救金陵於全局關係甚巨此時江省援兵日集江忠朝王文瑞

等軍均已入境浙軍劉明珍等已抵廣信曾國藩所派之周寬世

金國琛等營左宗棠此次改派之劉清亮一軍亦已先後赴江惟

該將領等才智不相上下彼此位望相等非有威望素著之大員

統率調度恐難迅奏虜功本日已命楊岳斌督辦江西皖南軍務

並令劉典幫辦軍務矣曾國藩接奉此旨卽行咨商楊岳斌令其

迅赴江西見在彭玉麟前赴九江扼要布置爲髮捻東竄之備若

楊岳斌卽日赴江則下游水師統帶乏人著曾國藩李鴻章酌量  
情形於黃翼升李朝斌二員內揀派一人統帶楊岳斌水師以資  
得力楊岳斌馳赴江省後卽於江皖交界扼要地方駐紮督率諸  
軍實力勦洗一切軍情有應由楊岳斌專摺具奏者有應與曾國  
藩沈葆楨會銜具奏者均著隨時酌度緩急分別辦理沈葆楨於  
各該營應用餉需務當力籌接濟曾國藩楊岳斌沈葆楨均受朝  
廷倚畀想能和衷商辦共濟時艱也劉典回湘募勇六營前據惲  
世臨奏四月中可以入江此時該臬司行抵何處並著楊岳斌沈  
葆楨飛速催提前進以厚兵力曾國藩前因責任太重屢請派員  
分任仔肩此時江皖軍務旣派楊岳斌前往督辦爲該大臣分任  
官軍攻破月圍之後賊勢已蹙著督飭曾國荃等迅速進攻仍當

於勇猛之中寓以慎重李鴻章恪遵前旨分軍嚴扼要隘毋令金陵潰賊外竄江浙敗賊悉萃湖州意在以一隅牽掣浙師而以全股竄徽歙擾及江西其謀甚狡此時進規湖州各軍業於菁山下施村等處獲勝著左宗棠督飭高連陞等軍迅速合圍力拔堅城庶上竄之賊退無所踞埽蕩自易爲力王開琳一軍旣經畱駐華埠著左宗棠迅飭劉清亮等於馳抵玉山沙溪後會合該處防兵相機堵勦遏賊續竄江西之路泰甯縣被賊竄陷旋卽收復賊蹤擾及將樂縣境延平軍務萬分喫緊左宗棠擬調林文察內渡勦賊並令康國器率師入閩與張運蘭由粵赴閩之師會合夾擊所籌甚屬周密卽著左宗棠徐宗幹妥速商辦飭催林文察迅速由臺內渡趕赴延邵等處迎頭截擊康國器見已取道嚴衢入浦城達閩卽著飭令確探賊蹤迎頭痛勦毋令蔓延腹地將此由六百

里各諭令知之○諭前因賊匪由江寧閩如由邵武汀州一路奔  
趨官軍難以堵截諭令毛鴻賓等飭令張運蘭仍卽速回本任茲  
據左宗棠奏江西收復新城後餘賊悉趨閩界竄陷邵武府屬之  
建甯見在雖經克復賊蹤業已闌入將樂縣境延平軍情喫緊等  
語閩境賊勢甚重而該省兵力甚不足恃若無大枝勁旅前往勦  
辦一經蔓延腹地勢將不可收拾著毛鴻賓郭嵩焘懷遵前旨迅  
卽檄令張運蘭一軍星馳前進由潮州入閩協同勦洗迅殄逆氛  
閩省軍情萬緊該督撫毋得再行任意奏畱致誤戎機豫省捻匪  
漢中髮匪併趨鄂疆隨棗鍾京一帶徧地賊蹤官文見已出省督  
師唐訓方署理巡撫當此事機喫緊之際恐不足以資坐鎮著毛  
鴻賓郭嵩焘催令吳昌壽趕緊交卸兼程前進迅赴湖北巡撫新  
任毋稍遲延將此由六百里諭令知之○張之萬毛昶熙奏汝南

官軍自將趙幘夏賊寨合圍後賊勢十分窮蹙勢將乘閒奔逃疊經南汝光道蒯賀蓀等飭各營晝夜巡防殲斃出竄之賊不計其數三月二十六日初更賊寨東西兩門大開匪眾全數擁出遊擊蔣東才等帶隊截殺賊繞寨牆拌命奔逸衝撲降勇王廷幹徐雙嬉等營直向北奔總兵趙鴻舉一面派隊搶入賊寨一面督馬步各營跟追沿途斬殺無數是夜趙幘夏率敗殘餘匪竄息縣北面岳城一帶遁入王姓水圩內趙鴻舉揮令各營奮勇環攻遊擊呂振河等率馬隊誘賊出濠蔣東才直奪寨門斷其歸路于總蔣尙鈞率勇齊進賊殊死戰蔣東才等各受數傷不稍退怯士氣益壯殺賊二百餘名生擒趙幘夏之姪趙汝等十餘名趙逆帶領餘匪遁入徐心田寨旋復遁入劉時安寨官軍於二十八日馳抵劉寨諭令寨首劉時安等毋爲所脅分兵扼守寨門趙幘夏拌死抗拒

參將王文行躍入寨門立將趙幘貞殲斃黨與皆斬殺無遺巨總  
簡侍然兇惡與趙幘貞等近日震懾軍威欲假投誠之名以緩其  
死臣等知其詭詐就計而行簡侍然來營乞降臣毛昶熙定計先  
將該寨收復再除首惡當調南汝光道蒯賀捺來城面授機宜三  
月二十五日派同知馬峻等及親軍壯勇押令簡侍然前往清寨  
蒯賀捺麾眾入寨立閉寨門令簡侍然指出著名捻匪三十一名  
訊明正法槍礮器械概行搜出布置既畢傳令將簡侍然梟首示  
眾觀者稱快降勇王廷幹徐雙嬉當趙幘貞率眾出撲時任其竄  
出狼子野心終不可畱當經總兵趙鴻舉密與息縣知縣蔣彙之  
等以調令墳濠爲名出其不意將王廷幹徐雙嬉並其黨三百餘  
人全行誅戮以除後患至徐心田徐汶田亦係積年老捻各踞一  
寨均難赦宥見飭王文行剋期攻剿其餘敗匪責成趙鴻舉埽蕩

以期一律肅清 上諭楚軍隨同僧格林沁馬隊在隨州擊敗髮  
捻股匪斬馘甚多與僧格林沁前奏情形大略相同該逆由天門  
京山雲夢一帶擄掠民船意圖搶渡均爲水師擊退是楚省防堵  
尙屬嚴密惟髮捻前股見據張之萬聲稱已竄至豫省之信陽州  
屬黃土平靖兩關距城二十餘里楊柳河等處張之萬前派連美  
賈文田馮聖傳李承先等營馳扼三關並派道員葛承霖一軍馳  
往見已行落賊後僧格林沁所派之蘇克金恐亦未能繞及賊前  
該逆蓄意東趨皖北兵力甚單深爲可慮前經諭曾國藩能否騰  
出鮑超一軍防剿皖北一帶此時事機緊急著卽檄令該提督統  
率所部迅速前往楚皖交界地方嚴密堵遏由信陽東竄之路並  
著官文將天門等處股匪力行埽除嚴防東竄皖省之路不得令  
該逆闖入致滋蔓延仍一面派兵與豫省派出各軍聯絡盡殲醜

類多隆阿舊部八千人業已陸續啟程赴楚兵力足資勦辦如何接替分撥著官文妥籌布置僧格林沁當督催馬隊星夜窮追並仍遵前旨檄調陳國瑞一軍赴皖北扼要駐紮以備截擊喬松年當就近分撥兵勇將竄近皖北之匪竭力剿洗暫紮丹陽之揚營兵勇著富明阿迅卽調回移紮嚴密堵遏仍與吳棠喬松年互相援應協力堵截張之萬並當檄令連美等軍嚴扼東竄股匪母稍鬆懈三、昶熙已將汝南賊巢攻克斬戮巨捻趙帽良等並將降勇王廷幹等悉予駢除息縣境內漸次肅清自可騰出兵力移堵髮捻股匪著卽統率所部隨同僧格林沁一軍隨地截擊勿令蔓延至髮逆後股由浙川敗至板橋經張曜會同色爾固善馬步各軍截殺甚多復追入楚境鄖陽所屬之羊皮灘疊獲勝仗該逆勢已窮蹙著僧格林沁官文張之萬檄飭色爾固善並楚豫各軍前截

後追務將此股殄除母畱餘孽唐訓方久在戎行熟諳軍務一切戰守布置機宜著與官文悉心籌商以臻安善將此由六百里諭知僧格林沁官文曾國藩富明阿吳棠李鴻章喬松年張之萬毛昶熙並傳諭唐訓方知之○命福建水師提督楊岳斌督辦江西皖南軍務浙江按察使劉典幫辦軍務○以吳昌壽爲湖北巡撫未到任前以署按察使唐訓方暫署以李瀚章爲廣東布政使李福泰爲廣東按察使由鹽運使遞○予浙江陣亡參將黃應春等祭葬

世職○修浙江海甯州石塘○甲午諭議政王軍機大臣等都興阿奏接奉寄諭趕緊赴防並改道前進一摺據稱本月十九日行抵大同接准德勒克多爾濟函稱自歸綏進兵中有草地無水可汲亦無鍋帳宿處道經榆林山路崎嶇仍須折回殺虎口由關內方可前進並准訥欽文稱亦以榆林地方極苦所有續調直晉官

兵應由汾州永甯渡河入陝擬照訥所擬路逕改道前進等語  
草地榆林一帶均屬難行該將軍所奏自係實在情形卽著照所  
請迅由太原汾州馳赴定邊毋稍延誤該將軍行抵定邊著卽將  
先後派撥各軍相機調遣規取靈甯以副委任飭項軍裝均關緊  
要著沈桂芬酌派妥員辦理俾資接濟晉省所製炸礮火箭甚爲  
得力並著酌量撥給交該將軍隨帶赴防以資攻勦將此由五百  
里各諭令知之○諭毛鴻寶奏勦捕菱角塘一帶土匪生擒首逆  
北江一路肅清一摺英德等縣交界之菱角塘石街蔣洞一帶有  
馮九指等在彼久踞經張運蘭等設計誘擒餘匪遁入老虎徑之  
水仙巖洞亦俱困死洞中北江英德陽山一路大致肅清該督擬  
令張運蘭駐紮南雄州防堵張運蘭一軍疊經諭令帶赴閩省勦  
辦江浙竄匪江西自新城收復後賊眾悉趨閩界闖入將樂縣境

延平軍情喫緊昨復諭令毛鴻賓郭嵩燾檄令該臬司星馳前進  
由潮州入閩剿賊著卽懲遵疊次寄諭飭令赴閩不得瀆請奏畱  
貽誤戎事其翁源英德交界之瓏口鄉尙有零星土匪逃匿著飭  
地方文武實力搜拏以期淨絕根株毋任漏網另片奏花旗股匪  
林正揚由廣德州竄擾江西兼及閩境探聞汀州之甯化甯都之  
石城皆有賊蹤廣東邊防此時以嘉應州爲最已飭吳贊誠等辦  
理沿邊團練總期遏賊境外等語所籌尙屬妥協著卽督令派辦  
各員認真經理先清內匪以免外匪勾結不可有名無實如本境  
邊防已固仍須派兵出境剿洗毋得稍存畛域之見將此由五百  
里各諭令知之○丁酉諭議政王軍機大臣等富明阿奏江防下  
游肅清擬裁師船節餉並籌防天長一帶情形各摺片江南一帶  
自蘇常各郡及江陰常昭丹陽等處相繼克復敗賊遠遁下游一

律肅清其江北一帶自瓜州以至通海亦經安謐所有江面駐防之紅單挖番等船自應乘此酌裁以節餉需該將軍擬將此項大船分爲三起先擇其朽爛者遣撤二十五隻派員統帶回粵卽以防敵划移泊防堵俟頭幫啟程後如果江防穩固再將餘船分作二三起陸續裁清以免擁擠而重江防並由江南糧臺籌給一月實銀口糧籌畫尙屬周妥卽著照所議辦理惟糧臺拮据各船前欠餉銀爲數甚多著富明阿卽移會糧臺查明取具各幫積欠細冊迅卽分咨廣東江蘇兩省由毛鴻賓郭嵩焘李鴻章分別補發遣散各船兵勇務須妥爲安插毋令滋生事端富明阿因下游江面肅清難民均經南渡請弛封江之禁以期貨物流通著卽照所請行惟金陵尙未克復難保無竄突之虞富明阿仍當督飭見有水師嚴密巡防不得稍存大意漢南髮捻各逆見已竄至豫省

之信陽州勢將東趨皖省江蘇裏下河地方素稱饑富難保不爲賊匪窺伺揚防西路來六全滁等處既經曾國藩分兵扼築而天長一帶尙覺空虛富明阿已將太平洲一帶大礮船全數調回邵伯並擬抽撥隊伍相機勦辦著曾國藩富明阿隨時聯絡營勢互相策應務期遏賊東竄毋令授及完善是爲至要將此由六百里各諭令知之○諭駱秉章奏黔匪闖入邊境調兵勦辦疊獲勝仗一摺黔省正安州號匪竄撲四川南川縣城經唐友耕等督飭官軍民圍會合夾擊該逆遁回新州老巢復因巢穴攻破由桐梓境內繞竄至綦江連界之松坎一帶又敗竄扶歡壩乘間圍撲綦江縣城屢經官軍擊敗仍向溫水退走勦辦尙屬出力惟該逆尙游弋於仁懷境內難保不再圖奔突且黔省桐梓地方尙有劣股號匪亦應防其紛竄川邊駱秉章見畱唐友耕在南川等處居中策

應調劉嶽昭果後十二營分顧江合兩縣邊境並令成耀星等各率所部駐防綦境所籌甚屬周密卽著督飭唐友耕劉嶽昭等認真防勦毋令賊竄腹地致成蔓延至滇邊土匪及黔省苗敎各匪分擾敘永包毛仙等又擾及秀山邊界並著嚴飭許蔭棠曾志友等軍實力堵遏毋稍疏虞滇匪何金龍等既有蠢動之信敎南防務卽責成提督胡中和妥籌兼顧不可稍涉大意將此由六百里諭令知之○戊戌諭內閣劉長佑奏豫省懸岸見存滑縣一處仍請停止捆運並查明運司委無私加各款一摺據稱豫省各處懸岸業由長蘆一律招商認辦僅懸滑縣一處整頓較易若一經豫省捆運本處未能盡銷勢將浸灌他處於全局大有關繫所有豫省懸岸著統歸長蘆自行經理豫省無庸捆運以清引岸而專責成至長蘆滯引例准融銷旣據查無私加私用各項情弊又據各

商呈出領告應交銀數清單查對賂合公同出具甘結所有前次  
張之萬奏蘆商把持運使受其蒙蔽各款均著毋庸置議該督仍  
當隨時細心訪察實力稽查如有前項情弊卽行從嚴懲辦以整  
釐綱○諭議政王軍機大臣等總理各國事務衙門奏請派京營  
弁兵學製火器一摺據稱洋人所製炸礮炸彈等項尤爲行軍利  
器見在李鴻章軍營製造此項火器已有成效擬請飭火器營於  
曾經學製軍火弁兵內揀派武員八名兵丁四十名發往江蘇一  
體學習等語所奏自係爲思患豫防起見本日業經諭令火器營  
照該衙門所請派撥矣此起弁兵俟抵江蘇後卽交李鴻章差委  
專令學習炸礮炸彈及各種軍火機器如能畱心學習著有成效  
者准該撫從優奏請獎勵其有怠惰偷安不遵約束者卽照軍法  
治罪該撫務當明定勸懲俾該弁兵等盡心講求該弁兵等到蘇

後該撫務須加意稽察妥爲防閑所有應給薪水等項卽由江蘇酌定支發准其作正開銷原摺著鈔給閱看將此諭令知之○諭有人奏前暫署陝西巡撫按察使張集馨奸邪險詐諂媚卑污於多隆阿初到省城時獨迎於十里以外並不與司道同見致使陝省有巡撫公服跪接欽差之謠縱使並無其事而眾口已傳爲笑柄其所參文武官員均係仰體多隆阿之愛憎如提督馬德昭臬司劉鴻恩及各州縣等其中儘有循聲素著有功無過之員而馬德昭尤爲陝甘兵民所悅服屈列彈章公論無不惜之漢中鎮總兵余福象爲多隆阿所狎比捏報戰功保獎提督銜花翎勇號儘先遊擊陳東霖綽號陳鐵匠以緝拏逃勇爲名妄殺民人沒其貲財且過一州縣必索重貲凌虐官民無所不至候補道李宗麟並有跪求多隆阿緩攻盩厔保全家小等事是否實有其事著劉蓉

確切查明據實具奏單內所傳奇方一張有薑桂劉寄奴陳皮李核等藥名係指何人而言其傳此方之呂洞賓又係何人並著劉蓉一併查明詳晰陳奏母稍徇隱原單著鈔給閱看將此密諭知之○沈葆楨奏三月二十九日閩浙督臣左宗棠派援之副將劉明珍擊賊於十七都道員王德榜擊賊於鳳凰山均獲全勝三十日副將顧雲彩抽八成隊署玉山縣知縣章澂以義勇民團繩之會於距城五里之東津橋鏖戰兩時顧雲彩陣斬逆首傅泳珊等賊始稍卻營官顧文福等四面追殺有穿黃龍馬桂騎賊落荒而走顧文福擊以洋槍應聲墮馬賊陣大亂追奔二十餘里王德榜從十里山分剿劉明珍從螺涼山分剿合計斃賊三千有奇玉山城圍遂解副將戴奉聘等堅守華埠營盤賊以萬眾環攻三晝夜智窮力竭而退該營亦拔隊跟追至玉山王德榜劉明珍遂統隊

疾趨廣信其營屯林河曹門一帶逆壘疊經內河水師及樂平練  
勇所挫遂於四月初一日夜遁初二日樂平縣知縣孫鑑復督勇  
追及於德興之黃柏園斃賊三百餘名各路鄉團助之窮追二十  
餘里又殺賊七八百名樂平副清德興亦無賊蹤賊由賊公鎮方  
家墩分竄弋貴弋陽縣知縣葉琳貴溪縣知縣周溯賢均嬰城待  
援初五日提督黃仁遺等馳入貴溪城初六日賊以萬餘眾三面  
撲城我軍槍礮猝發斃其前鋒百餘該逆退紮離城五里外之騎  
龍山是夜哨長羅福隆率廣勇二百餘人銜枚潛進各營以二成  
隊應之該逆張皇失措棄壘遁走探聞沙溪之賊已分路南渡從  
上饒縣屬之上瀘坂至鉛山縣屬之湖坊陳坊偏地賊蹤然廣信  
廣豐必無他慮惟弋陽被圍勢殊岌岌道員陳鳴志等已疾馳往  
援又聞該逆已從黃沙港過河道員王沐紮營於貴溪南岸以備

之臣查兵數賊數多寡懸殊所賴各保要區使之無可依踞玉山樂平均當賊衝一則力戰卻敵一則保護全境兼援鄰封均屬著有微勞浙江補用道王德榜等相應開列懇請獎勵其餘出力員弁勇丁可否由臣擇尤保奏之處出自鴻慈其陣亡之團紳副貢黃夢槐軍功何啟昆仰懇飭部照外委例卽又奏南豐跪逆以祥衛兩營移紮兜港四月初五日逆眾分撲韓席兩營席寶田韓進春奮擊卻之殺賊千餘名初七日席營回紮百花亭卽令祥衛兩營先行回顧建昌其僞王宗一股復由閩境回竄新城之樟村僞天將林政揚一股竄入甯都州界見仍飭席寶田等相機進剿又奏續探得四月初四日賊數千人直撲弋陽之小北門城上施放槍礮擊斃數十人水師輔之賊稍卻另股數千繞撲東門軍功吳金鼉然大敵擊斃黃衣賊目一人賊黨數十人忽山後突出黑

旗悍賊萬餘竝附城下吳金龍中槍殞命初九日精捷左營道員陳鳴志等督隊馳赴弋陽該逆大隊業已過河以悍賊千餘拒敵於離城十里之連湖城相持良久適大雨如注我軍佯爲收隊賊遂退走提督徐生德等捲旗疾趨城賊驚駭競趨浮橋人擠橋斷溺死甚眾不及渡者均被我軍擒斬弋陽城池甫陷隨復上諭見在德樂雖已肅清而分竄之賊復擾及貴溪沙溪賊復分路南渡擾及上饒鉛山之上瀘坂湖坊等處是東路賊勢仍形喫重亟須極力剿辦提督黃仁遺等見入貴溪繢果營道員王沐禁營於貴溪南岸著卽督飭該提督等分投堵剿力圖埽蕩南豐歸逆負嵎如故而僞王宗一股復由閩境回竄新城之樟村林正湯一股復竄入甯都州界是東路情形愈形喫重王文瑞已抵袁州派隊進扼永豐卽著督飭道員席寶田韓進春等妥速進兵迅將南豐

攻拔並將由閩回竄之賊亟圖埽除勿令紛竄昨已有旨命楊岳  
斌督辦皖南江西軍務劉興幫辦軍務所有由皖浙續竄江西之  
賊當可以資堵截該撫俟該提督到後可卽與之會商勦辦機宜  
一而嚴飭本省見有之兵迅克南豐保全完善是爲至要將此由  
六百里諭令知之○僧格林沁奏四月初九日髮逆藍姓倪姓范  
立川戴侍保及陳大淳捻股悉在應山縣以北盤踞有北趨之勢  
而張總愚敗匪已由馬平港鳧水渡過府河向德安府城西洛陽  
店一帶狂奔欲與前股髮逆勾合臣卽會商官文督飭各軍迎頭  
截擊並札總兵楊朝林等馬步各軍踏蹤勦辦務將張逆敗匪悉  
數翦除臣於初十日督帶馬步各隊冒雨前進十一日至應山縣  
探得藍逆尙在距應山五十餘里之孟畈店一帶虜賊倪逆與陳  
逆股匪已竄出黃土關北遂飭翼長蘇克金帶領所部馬隊扼要

堵勦倪陳二逆股匪臣於十二日督帶馬步各隊行至孟畈店以南高樓畈地方該逆膽敢列仗抗拒當令翼長舒通額等馬隊分路鈔擊斃賊多名該逆敗退我軍追至孟畈店該逆糾合援賊迎拒提督傅振邦等帶隊分兩翼相輔而進斃賊無數該逆翻山逃竄舒通額等分六路追擊立將該逆衝斷我軍向正北追殺三十餘里斃賊千餘名又探得孟畈店以西吳家店地方有髮逆邱姓分股前來逆匪范立川等與之勾結有眾萬餘依山盤踞十五日督飭馬步各隊追勦該逆恃險迎敵傅振邦帶隊攻擊舒通額等分左右翼登山鈔襲賊後賊敗向西北亂竄我軍連翻大山三道追殺二十餘里斃賊千餘名餘匪向西北朱家店一帶潰竄十六日折往信陽取道馮家莊探蹤進剿先是蘇克金於初一日由唐縣

帶隊行至桐柏縣探得陳大潛等股匪有向東北奔竄信陽之勢當卽帶隊前進於初七日抵信該逆在該州西北六十餘里之譚家河盤踞我軍連日出隊因稻田過多未能得手十二日該逆竄至王家岡地方正在築壘我軍乘其不備毀柵而入該逆紛紛亂竄我軍乘勢追殺斃賊數十名十七日我軍分西南兩路前進追及范逆邱逆等股小有斬擒十八日探得髮捻各股敗匪俱向正南狂奔有回竄應山之勢當飭候補道葛承霖等帶領步隊並飭蘇克金傅振邦統帶馬步各軍跟蹤追剿查陳得才一股已竄向德安一帶遊弋陳大潛一股見與髮逆合夥南竄此二股均未受我軍懲創其餘髮捻股匪經我軍疊次痛剿勢極窮蹙刻下賊蹤悉數南趨若沿江一帶密爲設防不任該逆渡越加以楚省各路官軍聯絡聲勢處處堵勦無使兵分力單則敗殘之餘不難盡殲

酌類

臣查楚省地勢若用馬隊須在冬春水田乾涸之時此時實

難施展計我軍追剿各股賊匪登山涉水奔馳已及一月馬隊不

無疲乏是以臣於十九日督帶舒通額等馬隊暫繁信陽以固北

路之防儻該逆被剿回竄一經官軍追出山險馬隊可以馳騁立

卽督隊迎剿所有我軍疊次打仗救出難民已咨照河南陝西撫

臣飭沿途地方官按站解回原籍妥爲安插又副都統色爾固善

總兵張曜等稟報初一日督帶馬步各隊浮渡丹江赴楚躡剿初

二日於鄖陽之羊皮灘地方追及賊股陣斬悍賊二百餘名生擒

五十餘名裹脅之人逃散殆盡所贗俱係湖北等處長髮老賊初

三至初六等日我軍繞由北路進剿斃賊多名立卽擒繁南化該

逆西越大山直竄趙家川等處我軍因河水未消繞由北路前進

等語臣已飭色爾固善張曜實力追剿毋任蔓延上諭嚴樹森

奏遞旨籌辦省防布置漢黃一帶水路情形並請將陝西所派英毅等二十營撤回各指片髮捻各逆竄楚股數甚多德安雲夢應城隨州京山天門等處縱橫數百里而大股則虜集於德安之三里店等處切近城池官文已抵漢川滇漢一帶當可無慮著官文嚴飭水陸各軍認真勦辦德安等府縣城池責令各該地方官嚴密防守不得稍有疏失嚴樹森所派駐防滇漢之師悉歸官文調遣如何路有失定惟何路帶兵官是問防省之成得升等營歸唐訓方調遣唐訓方接署撫篆辦理省城防守事宜務當隨時稟商官文以一事權嚴樹森所募之湖南勇士如已將次到鄂卽歸成世音等訓練調撥如尙未募齊即可停止並著官文等酌量辦理另片奏劉蓉前派之英毅六營業由商州徑赴襄樊見又添派湘果馬步十四營東下追賊月需餉銀五萬七千餘兩屬由鄂省先

行籌撥一月接濟鄂省餉源將竭不能爲秦軍籌此鉅款請飭陝  
西將英毅湘果二十營兵勇卽日截回李雲麟一軍五月以後月  
餉由秦籌給等語劉蓉所派之英毅六營已入楚境應否留楚卽  
著官文知照劉蓉辦理至湘果十四營前經劉蓉議令撤還回蜀  
當以甘省餘孽恐被剿回竄必須暫緩撤遣本未令其畱楚著劉  
蓉仍遵前旨責令搜剿各路餘匪將來如何區畫遣撤並須妥爲  
籌辦李雲麟軍餉五月以後由陝西支發劉蓉籌解毋誤正在寄  
諭間據僧格林沁奏督飭馬步各隊移向應山信陽一路追剿髮  
逆豎獲勝仗並函會官文札飭楚豫官軍躡剿敗殘餘匪一摺所  
辦極爲周妥著卽督飭各將弁分投躡剿務期節節肅清毋任竄  
入腹地該親王卽在信陽州居中調度儘該逆被擊東趨即可督  
率舒通額恆齡等盡力追擊以收聚殲之效陳國瑞一軍應令扼

緊何處截勦竄賊並著僧格林沁酌量調派官文務當督飭水軍  
力固江防陸路迎勦竄逆豫軍到楚一併歸官文節制調遣以資  
得力將此由六百里諭知僧格林沁官文劉蓉並傳諭唐訓方知  
之○諭熙麟奏慶陽情形緊要不能迅赴蘭州慶防兵勇在環縣  
擊賊獲勝甯夏滿城被圍日久亟待援兵陝省截留甘餉並鈔錄  
林壽圖原函呈覽暨遵查恩麟奏報鳳翔回匪情形各摺片前因  
甘省軍情緊要慶陽僅辦糧臺轉運文煜到後已有大員接辦是  
以疊諭熙麟迅赴蘭州省城接印任事茲據奏稱平涼大軍將次  
合圍定邊兵勇將次進征恐敗匪紛竄肆擾分我兵力且近獲賊  
供刻有東竄之志慶陽之防勦喫緊實倍往昔等語所奏自係實  
在情形卽著熙麟暫駐慶陽會同文煜等於徵兵籌餉各事宜妥  
爲調度恩麟暫權謹象辦理有無偏謬仍著畱心隨時察看不得

存兩人分任之見稍存諉卽見在漢中髮逆悉數東竄鄂北襄隨一帶到處傳烽僧格林沁駐紮楚豫之交勦辦髮捻斷不能移師西向都興阿由定邊一路前進計見在已入甘境雷正綰尙稱能戰陶茂林亦已抵甘苦熙麟會同該提督飭令各營將士迅克平涼節節埽蕩以期早日殲事慰朝廷西顧之憂甯夏滿城被圍日久望援綦切訥欽兵勇雖有七千餘名之多大都未經戰陣趙延煥所募勇丁既不能符三千之數熙麟令先招勇丁一千名並飭遊擊羅元勳等管帶環縣防勇一千名馳往定邊與趙延煥之兵一同進剿卽著照該督所擬迅飭該員弁分路前進訥欽之軍已歸都興阿統帶著都興阿酌量先挑勁兵一千名力解甯夏滿城之圍並分兵越花馬池而西逼近黃河駐紮扼賊東竄並催梁生嶽拔隊前進儻仍前逗留卽著嚴參懲辦雷正綰攻克平涼後卽

鼓行而西與都興阿會合進兵熙麟籌解軍火遇事和衷籌商以期共濟甘省餉糈不繼關繫非輕前經張集馨奏動支山東河南等省解甘餉銀截畱分撥各營當經諭令咨明熙麟等按款詳查所有熙麟慶陽軍營餉需仍著劉蓉懔遵嚴次諭旨實力接濟斷不准膜視推諉貽誤事機鈔呈林壽圖信函二件著鈔給劉蓉閱看彙入前次交查之件一併查明辦理熙麟請令穆圖善帶馬隊由定邊草地赴甘穆圖善前已授爲荊州將軍令其帶勇赴楚該將軍見已屯兵壩橋著卽統率姜玉順等軍仍遵前旨迅赴楚北會剿正在寄諭間諺雷正綰奏請飭多隆阿所部數營撥歸都興阿統率援剿甯靈並曹克忠平毀長甯驛馬鹿鎮兩處賊巢劉蓉奏生擒曹逆並將餘匪搜捕淨盡蔡逆被剿西竄官軍追剿堵擊情形督催姜玉順等拔營赴楚等指片雷正綰屢獲大捷俟攻克

平涼仍遵十九日諭旨與都興阿和衷商榷進兵多隆阿所部除  
姜玉順等馬步各營已撥赴楚北此外如尚有餘兵固可撥赴甘  
省如無兵可撥卽著劉蓉將所部酌撥若干赴雷正綰軍營以厚  
兵力平郡城外援賊勦滅淨盡城賊之勢自孤著雷正綰飭令陶  
茂林等乘勝進逼迅奏膚功曹克忠一軍著仍遵前旨飭令回隴  
或駐紫盤厓以資控制逆首曹燉章旣經擒獲餘黨搜斬殆盡仍  
著劉蓉分飭各將士將零星逆匪悉數殲除蔡逆被勦西犯探悉  
不能偷越興安思由鎮安竄入甯陝老林趨佛坪褒河南出昭廣  
以逞回川之謀見已闖入鎮安大小心川並將大小心川附近一寨  
攻破逆眾尙有三萬之多設使偷渡漢江則川陝之蔓延滋甚著  
李雲麟由後追蹤母令賊匪得以喘息劉蓉卽檄飭蕭慶高等移  
得勝之師分扼江口一帶截其上竄之路何勝必等會合邀擊儻

竟竄近川疆著駱秉章分飭在防將士並地方文武嚴密截擊以收聚殲之效劉蓉俟穆圖善啟程後卽出省督師或徑趨潼商或先赴鎮安著斟酌緩急情形隨時具奏將此由六百里各諭令知之○諭熙麟奏接據阿拉善親王貢桑珠爾默特咨稱賊匪大隊在甯夏滿城西南兩處紮營圍攻甚緊請飭該王選精壯蒙兵親身統領從磴口進邊列陣等語甯夏滿城被圍甚急靈州等處賊氛甚熾見命都興阿督辦甘肅軍務由定邊取道馳援甯夏大兵一到諒不難迅解重圍據生擒賊供回匪有東竄之意設或被勦鋌走肆意東趨勢將蔓延爲患愈難收拾著理藩院轉飭貢桑珠爾默特挑選精壯蒙古兵丁數千名親身帶從磴口進邊列陣嚴扼寶越遇賊卽擊以勦爲防其北路平洪孤城等處並著撥兵實力防守毋得有名無實貽誤事機致干咎戾將此諭令知之○以

陝西漢中生擒首逆曹燦章賞提督蕭慶高白玉翎管一枝火鎗  
一把大荷包一對小荷包二箇總兵官謝正球副將趙緒慶三代  
一品封典總兵官蕭德見等加銜升敘有差○予湖北陣亡哲里  
木盟三品台吉阿爾薩朗陝西陣亡參將張榮德等祭葬世職里  
己亥僧格林沁奏用兵之道首貴嚴明偵探賊情尤須眞切如是  
則統帥居中調度戰守自合機宜知己知彼方能百戰百勝然臨  
敵之際偶值天時之變地利之險人事之不齊斯又利鈍之難以  
豫料也近見各路奏章每以賊眾兵單爲詞獲捷之報絡繹不絕  
而賊勢愈眾蔓延愈廣推原其故總由領隊之員偏守一隅不能  
確探賊情賊至不肯迎擊賊退不肯追數衍出境卽報勝仗並  
以少報多諱敗爲勝豫爲冒功邀賞地步而握兵符者旣不能身  
臨前敵又不能詳加查考率行據稟入告甚至冒濫請獎若不破

除積習認真整飭則將士益難駕馭軍務何時可收實效見在髮  
捻各股人數皆不過萬餘統計亦止六七萬人卽如竄楚各股除  
髮逆陳得才捻匪陳大清示受我軍懲創其餘皆經臣督飭官軍  
痛加勦洗目睹各股賊勢實無數萬之多惟捻逆巢穴近在腹地  
馬賊較眾行走尤疾各旗合股時多分竄時少出巢據掠不肯遠  
去一遇官兵緊迫卽奔回老巢每與交仗非塵戰數時短刀相接  
不能取勝此臣從前在皖勦辦張落刑等匪所親見者也其各股  
髮逆離巢久遠見有大江阻隔竄回金陵亦屬非易且馬賊少而  
裏脅多行走疾徐與我步隊相等每與交仗一經我軍衝壓賊卽  
披靡此臣刻下追勦髮逆所目覩者也今各股髮逆雖向南趨若  
得水師一軍沿江嚴密布置不使該逆渡越加以楚陝豫官軍聯  
絡跟追處處扼截以勦爲防可期剋日埽除設使東竄皖境地勢

較楚省稍卻平坦臣當酌撥馬步各隊相機協勦不至任此窮寇再事鳴張臣目擊各路軍情鋪張粉飾不敢不據實直陳應如何嚴禁積習之處恭候聖裁上諭內閣各路軍營惡習以少報多諱敗爲勝疊經通諭各該統兵大臣及督撫大吏痛除積弊不啻三令五申茲覽僧格林沁所奏是各路軍營積弊仍未革除該統兵大臣等仍不能認真整頓似此積習日深何以殄滅賊氛又安黎庶僧格林沁此次督師由豫入楚所言軍營各弊自必確有見聞該大臣老於用兵惟能真實不欺故能所向克捷洵足爲各路軍營之法嗣後各路營員及統兵大臣等於賊勢之多寡接仗之勝負均須字字從實奏報如仍任意鋪張未能埽除積習一經有人奏參必將捏報軍情之營員及統兵大臣等一併從嚴懲治決不姑容僧格林沁督師皖豫楚三省之交如有似此情弊一經

見聞所及卽著指名奏參懲一儆百以挽頽風庶幾各路軍營不敢視朝廷諄諄誥誠爲具文也○是月豁免江蘇武進陽湖二縣三年額賦蠲緩上元等十三縣及各屯衛被擾上年額賦並浙江海甯等三十五州縣被擾本年額賦